



江北運程卷八提綱

直隸河間府東光縣歷吳橋縣景州至山東濟南府德州



境

衛河經東光縣自十二里口左接南皮縣右接交河縣入境起

三里左岸十五里口東光

五里兩岸夏口東光

八里右岸李莊東光

二里右岸油坊口汎東光

七里左岸趙家口東光

江北運程 卷八 提綱

三里左岸東光縣城

五里兩岸小龍灣東光

七里下石路口東光

三里兩岸大龍灣東光

十里右岸戈家墳東光

右自十二里口起至戈家墳衛河經東光縣境計程五十

三里上入吳橋縣及景州界

衛河經吳橋縣及迤南西岸錯出景州復入吳橋縣界計自戈家墳下接東光縣入境起

五里兩岸連鎮吳橋

五里右岸扈家園吳橋

五里右岸董家莊吳橋

五里左岸十五里口吳橋

四里 王家口

四里 鄭家園

八里左岸徐家口吳橋

八里右岸安陵吳橋景州在吳橋縣西景州東

六里左岸第四屯

江北運程 **卷八** 提綱

六里右岸郎家口景州

二里右岸華家莊景州

五里右岸御前莊景州

五里右岸羅家口景州吳橋

右自戈家墳起至羅家口衛河經吳橋縣及景州境計程

六十九里上入山東濟南府德州界

江北運程卷八

甘泉董恂醜卿甫輯

直隸河間府東光縣歷吳橋縣景州至山東濟南府德州

境

衛河經東光縣自十二里口左接南皮縣右接交河縣入境起

東光縣志東光河兩岸各長六十里其淺九處其口四十處河

東岸自北至南曰夏口淺有彭家口王家口曰李家淺有無名

口霍家口兩金家口趙家口曰任家淺有北無名口南無名口

東孫家口陳家口西孫家口李家口王家口趙家口曰狼拾淺

有焦家口狼拾口無名口秦家口王家口張家口劉家口以上共四

江北運程

卷八

一

淺二十二口北為南皮界南為吳橋界河西岸自北至南曰白家淺有王家口曰

牛坊淺有霍家口劉家口曰桑園淺有廖家口劉家口魏家口

盧家口姜家口張家口曰大龍淺有施家口李家口張家口白

蠟口曰古隄淺有王家口馬家口戈家口劉家口以上共五淺十八口北為

交河界南為景州界循按九淺額設濟淺長夫八十一名計止十七口原書漏載一口

三里左岸十五里口東

恂按河防志言東光縣河道東岸北自南皮縣交界十二里口

起西岸北自交河縣交界楊家圈起南至吳橋縣交界止計長

六十里今考畿輔義倉圖瀕運河西岸有楊家圈南距夏口倉

六里。南皮東光兩圖均不載十五里口。計其地當在楊家圈對

河東岸。

五里。兩岸夏口。東光

畿輔義倉圖。東光縣瀕運河西岸有夏口倉。又東岸夏口東距

燕臺倉八里。畿輔安瀾志。衛河逕東光縣界。又東北流逕下口。

亦曰夏口。方輿紀要。逕東光縣北二十里。其地名下口。居民鱗

集。行旅輻湊。儼然城市。謂之下口鎮。畿輔通志。馬頭鎮。在東光

縣西三里。又下口鎮。在縣北二十里。皆濱臨運河。商旅湊集。萬

里雲程。夏口又名黑廟。

江北運程

八里。右岸李莊。東光

畿輔義倉圖。東光縣瀕運河西岸有雙樓李莊。北距夏口倉十

一里。

二里。右岸油坊口。東光

畿輔義倉圖。東光縣瀕運河西岸有油坊口。北距夏口倉九里。

萬里雲程。油坊對河岸名安樂屯。

國朝方觀承奏畧。接據天津道稟報。南運河自入秋以來。屢次盛漲。青縣興濟石埧。過水五尺六寸。滄州捷地石埧。過水

八尺四寸。減河至不能容。七月二十四日。復又大雨如注。水勢驟長。東光油坊口地方。漫溢東隄六尺。現在督率廳汛。多

積夫料。上緊堵築等語。查南運河土性膠結。初漫過水時。若干深淺。卽再汕刷。亦不過加深一二尺。深則下埽。淺則軟鑲。

擠旁溢之水仍歸正河卽不復與埽鑿爭路目下水勢已退
一尺五寸該處料物易集可以剋期完竣倘按此奏在乾隆
二十六年八月
二日時任直督

七里。左岸趙家口。東光

畿輔安瀾志東光縣東岸運河隄宙字號有頂冲埽灣曰趙家
隄。

三里。左岸東光縣城。

畿輔安瀾志謹案衛河過東光縣城西關外距關廂三里一統

志東光縣在府東南一百六十里東西距六十五里南北距五

十五里東至天津府南皮縣界三十五里西至阜城縣界三十

江北運程 卷八

里南至吳橋縣界二十里北至南皮縣界三十五里東南至甯

津縣治六十里西南至景州治六十里東北至南皮縣治四十

五里西北至交河縣治四十里漢置東光縣屬勃海郡後漢至

晉魏因之東魏移勃海郡於此隋開皇初郡廢九年於縣置觀

州大業初州廢以縣屬平原郡唐武德四年於弓高縣置觀州

以縣屬之貞觀十七年州廢縣屬滄州貞元二年又於弓高置

景州以縣屬之長慶元年州廢還屬滄州二年又屬景州太和

四年又還滄州景福元年又屬景州天祐五年移州來治五代

周顯德二年廢景州爲定遠軍屬滄州宋太平興國六年以軍

直隸京師。景德元年。改曰永靜軍。屬河北東路。金初仍升爲景州。大安間。避諱改曰觀州。元初復曰景州。至元二年始移州治。舊縣以東光爲屬縣。明因之。本朝屬河間府。雍正七年改屬

滄州。九年還屬河間府。圖志東光縣繁疲難。西北至府一百六

十里。有馬頭一鎮。舊東光縣在景州東北七十里。北至南皮

縣界四十里。南至吳橋縣界三十里。跨衛引津。襟滄麗景。有永

濟渠。其深莫測。有斬水河。自安陵入浮河。開元中開。今涸。一統

志東光縣舊土城。周三里有奇。明崇禎十一年改築磚城。周六

里。門四。濠廣三丈。本朝康熙十年重修。乾隆十三年復修。河

江北運程

卷八

四

間府志東光本漢縣。並漢弓高縣地。昔韓王信亡入匈奴。後其

子積當降漢。文帝封之。是爲弓高壯侯。其故城在今東光縣順

城鄉。距縣西北三十里。水經注郡國志並云弓高故城在阜城

縣西南。說者遂疑古弓高當屬阜城。不知彼所謂乃阜城舊縣

耳。在今阜城東二十里。以地較之。舊阜城之西南。正與今東光

之西北相接。則明不繫阜城也。東漢景丹耿純並從光武。定天

下。光武先侯景丹於東光。後徙丹侯別縣。而以東光封純。北河

續紀東光縣治在運河東岸三里。方輿紀要東光縣衛河在縣

西三里。自景州流入縣界。又東北入南皮縣境。水經注所謂清

水也。水經淇水又東北過東光縣西。酈注清河又東至東光縣西南。逕胡蘇亭。又東北右會大河故瀆。又逕東光縣故城西。北河續記東光縣主簿河道東西各六十里。東岸南接吳橋狼捨淺起。北接南皮下口淺止。西岸南接吳橋古隄淺起。北接交河白家淺止。東光縣志縣據渤海上游。爲吳阜之脣齒。交南之襟喉。連鎮控其南。夏口扼其北。中則淇河映帶左右。平原沃衍。

國朝李開業下第宿東光驛詩我來楊柳半青蕪歸借梨花月載途一夜春風相厚意依依入夢董江都
吳雯次東光詩入郭氣冥冥春蕪沒縣城草迷三月雨花惜五更暉雲與錦帆去風隨穀浪生幾回臨曲水腸斷庚蘭成
崔旭清明前東光作胡蘇亭畔日遲遲忽憶衣衫慘綠時南郭快游莎草徑東風笑折杏花枝綠何陶令歸田後慣誤麗公上冢期

江北運程

卷八

五

丙舍關心多少事
清明時節又支頤

五里

兩岸小龍灣
東光

畿輔義倉圖東光縣瀕運河西岸有小龍灣。東南距隔岸縣城南歇馬倉六里。畿輔安瀾志東光縣東岸運河隄宙字號。有埽

灣曰小龍灣月隄

七里

下石路口
東光

轉漕衡湘筆記王子歲九月三十日泊此地。爲水程細數單所

未載。叩舟人云然。

循按自天津關而南均據水程細數單計其有單所未載而見聞所及亦開附之。此其一也。後不悉注。又按原單自小龍灣至大龍灣凡十里。茲所紀

自小龍灣至下石路口七里。又自下石路口至大龍灣三里。合

計里數仍
與單符

三里。兩岸大龍灣。東光

方輿紀要志云東光縣衛河有大小龍灣。縈迴而下。河間府志龍灣在吳橋縣東二十里。淺深斷續。流衍東注。至甯津縣為谷

家河。

十里。右岸戈家墳。東光

畿輔義倉圖東光縣濱運河西岸有戈家墳。上接吳橋縣界。稍西有千頃窪乾河。上接景州界。東光縣南境有歇馬倉。戈家墳北距倉十五里。畿輔安瀾志連窩驛。又東北流逕東光縣界。謹

江北運程 卷八

六

案東光縣運河自縣南鄉少西接吳橋縣縣丞汛入境。向北屈曲行大小龍灣。過縣城西關外。距關廂三里。逕北直行三十里。

東岸入南皮十二里口。西岸入交河楊家圈。循按畿輔義倉圖楊家圈在東光縣

圖內下接交河縣境。河身寬二十六丈至二十八丈不等。河底均深二丈。

長六十里。自大小龍灣外。舊名直河。大汛順流安赴。縣丞所屬東岸迤北入南皮縣界。濱河高阜十餘里有老土嶺之目。又安

瀾志運河隄。東光縣東岸宙字。西岸洪字。各二十五號。東西兩岸均長六十里。東岸自宙字一號起。至二十號止。分五十五段。

長三十里。險工二。第二十九段頂冲埽灣曰趙家隄。第四十九段埽灣曰小龍灣。月隄。自宙字一

十一號起至二十五號止分四十九段長三十里險工一段埽

灣日鄭家隄。西岸自洪字一號起至十六號止分六十一段長三十

里險工四段。第二十二段迎溜頂沖日中節舊隄第二十九段迎

隄第四十七段。溜埽灣日施家隄第三十一段迎溜頂沖日張家縷

埽灣日廖家隄。自洪字十七號起至二十五號止分四十三段

長三十里險工二。第十六段埽灣日南窪隄第

右自十二里口起至戈家墳。衛河經東光縣境計程五十

三里上入吳橋縣及景州界。循按治河要覽言東光縣河

岸北自南皮縣界起南至吳橋縣界止計程六十里河防

志亦言東光縣河道西岸北自交河縣交界楊家圈起東

岸北自南皮縣交界十二里口起南至吳橋縣交界止計

程六十里較水程細數單計贏七里。東光縣西境河道

江北運程

卷八

七

南行沂流。又按萬里雲程十二里口。三里十五里口。五
里夏口十里油坊七里小鄭家口三里東光縣城五里小
龍灣十里大龍灣十里戈家墳計自
十二里口至戈家墳共五十三里

衛河經吳橋縣及迤南西岸錯出景州復入吳橋縣界計自戈家

墳下接東光縣入境起。

五里。兩岸連鎮。吳 畿輔義倉圖吳橋縣濱運河東岸有連鎮。循按吳橋縣圖連鎮

跨兩岸。即連窩鎮。一統志連窩鎮在吳橋縣西北四十里。衛河

東岸西南去景州四十里。東北去東光縣十八里。為三州縣接

界處。連窩水驛在連窩鎮。舊有驛丞。今裁。方輿紀要東光縣西

南三十里爲連窩鎮。卽吳橋縣界連窩驛也。衛河所經。商旅輻湊。又吳橋縣志云。縣西北五十里有連窩驛。漕舟自安陵曲折

而東北出四十里至連窩。又三十里至東光縣。漕河考安陵至連窩蓋六十里。此往來者必經之道也。畿輔安瀾志衛河入直

隸吳橋縣西景州東。又東北流七十里爲吳橋縣連窩驛。俗呼

連兒窩也。畿輔通志連兒窩鎮在景州東北七十里衛河東岸

與吳橋接界。景州志安陵迤北至連鎮河西一帶隄工係吳橋

縣承修。

〔元〕瞿祐過連窩驛詩官船來往泊官河。鳳有高梧鷓有桺。人客羈棲嫌寂寞。喜聞水驛是連窩。明廖道南連窩道中詩

江北運程

卷八

八

揚船眺齊嶽。沈璧辭燕川。六鷁風栗烈。雙虬虹宛延。沙鷄棲斷碣。江鶴啄平田。浮菰漾海月。古樹抹墟煙。引睇物情改。嬰心歲華遷。寒宵翳黯驂。游子苦纏綿。夙栖白虎觀。重校青瑤編。司馬紀石室。揚雄闕草玄。交心探奇跡。道眼燭靈筌。焚犀對牛渚。屠龍嘅螭淵。王以旂九日。連窩舟中詩。奉使三千里。他鄉九日逢。張帆催鷁遠。移菊向杯濃。鼓吹中流壯。旌旄夾道從。隨時沾聖澤。仰答媿才庸。秣命寒食連窩舟中詩。曲曲江村桃杏紅。樓船南下信春風。宦游幾見韶華轉。寒食應隣俗尚同。煙柳萬條燕塞盡。浪雲千頃衛流通。征途日計趨庭樂。歸夢長懸建水東。沈愷夜泊連鎮詩。旅泊滄江上。村隔林燈火。正黃昏。林雅噪。暝魚收。市野艇衝寒月到。門欲共隴梅頻索笑。那堪鄰笛正銷魂。春風未必長如此。莫對孤篷悵別樽。國朝謝重輝連窩道中詩。憑高意不盡。取次款林泉。溪徑逢黃犢。人家種白田。未成三窟詎。且泛五湖船。漸近鄉園路。無勞託杜鵑。彭蘊章聞收復連鎮移師高唐詩。藩王勇略冠羣英。北地於今洗甲兵。設阱果能擒困獸。橫江還欲翦長鯨。畿南萬騎征鞍解。山左孤城戰壘橫。計日移師殄餘孽。嫖姚從此告功成。蔡壽祺聞僧卽連鎮捷音喜

賦二首畫隼飛揚夕照翻貔貅十萬擁朱旛聖成早說魚歸
釜網密真看鳥入樊

帝惜頑民皆赤子天留奇績待名藩捷書馳奏
龍顏喜雷電威伸雨澤繁引領東南勢不禁紛紛勁旅總如林
渠幸有探驪手掃穴誰無瘴虎心李密此時應就縛楊公何
日始成擒行間將帥宜知奮同荷

深
天家懋賞

五里右岸
扈家園吳橋

畿輔義倉圖吳橋縣濱運河西岸有胡家園

五里右岸
董家莊吳橋

畿輔義倉圖吳橋縣運河西岸有董家莊東岸又有前董家莊

後董家莊恂按以地勢考之此蓋西岸之董家莊

江北運程
卷八

九

五里左岸
十五里口吳橋

畿輔義倉圖吳橋縣濱運河有十五里口西十五里口均在東

岸

五里
王家口

四里
鄭家園

八里左岸
徐家口吳橋

畿輔義倉圖吳橋縣濱運河東岸有徐家莊畿輔安瀾志吳橋

縣運河隄東岸黃字號有頂沖迎溜日徐家莊西月隄又有婦

灣日徐家莊北縷隄有頂沖日徐家莊北官隄

八里。右岸。安陵。吳橋景州。在吳橋縣西景州東。

畿輔義倉圖安陵在運河西。吳橋縣圖有安陵。景州圖有安陵倉。安陵在吳橋縣西北。安陵倉在景州城直東。方輿紀要景州衛河自德州流入境。經州東。安陵巡司在其西岸。畿輔安瀾志衛河入山東恩縣德州境。又東北流。復入直隸河間府吳橋縣西景州東。恂按北河續紀言吳橋縣治在運河東岸二十里。景州治在運河西岸二十里。安陵濱運河。蓋居其間。方輿紀要安陵城在景州東十七里。本褚縣地。風俗記褚縣東四十里有安陵城。故縣也。水經大河故瀆。經褚縣故城東。又北逕安陵縣。

江北運程

卷八

十

西酈道元以爲安陵鄉。晉置東安陵縣。屬勃海郡。石趙爲安陵。後魏仍屬勃海郡。高齊又廢。隋爲褚縣之宣府鎮。唐武德四年復置安陵縣。屬觀州。州廢。改屬德州。劉昫曰舊縣在褚縣東四十里。永徽二年移治白社橋。卽此地也。景福初改屬景州。宋省入褚縣。今州東十里有安陵巡司。蓋因舊縣而名。一統志安陵故城在吳橋縣西北。漢置安縣爲侯國。文帝四年封齊悼惠王子志爲安都侯。卽此。後漢省。晉改置東安陵縣。後魏去東字。水經注本修縣之安陵鄉。地理風俗記曰修縣東四十里有安陵故縣。是也。隋大業初併入東光。唐武德四年復以宣府鎮置安

陵縣屬觀州。貞觀十七年改屬德州。永徽二年移治白社橋。太平寰宇記。安陵縣在德州西北一百里。本漢安縣。舊地理書並失理所。今縣東七里。晉所置東安陵縣。卽漢安縣。舊理也。今微有遺址。高齊天保七年省。隋開皇六年又分東光縣於今縣東。二十二里。新郭城再置安陵縣。大業二年廢。唐武德四年復立。永隆二年移於柏杜橋。卽今理也。宋史地理志。景祐二年廢安陵縣入將陵。九域志。將陵縣有安陵鎮。舊志在今吳橋縣西北二十五里。衛河東。窯場店南里許。漢晉故縣也。其唐所移之白社橋。治在今景州東十七里。衛河西岸。今有安陵鎮置巡司。吳橋縣志。安陵城在縣城西北二十五里。衛河東岸。在窯場店南里許。基址尙存。按一統志云。在景州東七里。以今考之。離景州十八里。且在衛水之東。今鄉鎮各以安陵取名。

江北運程

卷八

七

國朝程可則安陵驛詩。歸路知何極。斜陽且繫船。落霞明古驛。秋水滿前川。茅店砧初動。漁舟火漸懸。無人問。露旅愁絕。向江天。謝重輝安陵詩。昔日安陵地。茫茫麥秀間。泊舟披舊跡。唐縮是何山。懷古今誰問。荒原晚。獨攀平生慕。奇節悵對草痕斑。魏廷珍秋晚泊安陵詩。雙檣繫纜晚。蒼茫十里。河干萬柳黃。鴻影雲來秋。雨滴霜花風。過稻苗。香漁燈水調。櫓聲遠。箸笠煙波意味長。怪得五湖明月下。一竿不屑問行藏。

一統志。吳橋縣在府東南二百四十里。東西距四十五里。南北距六十五里。東至甯津縣界二十五里。西至景州界二十里。南

至山東濟南府德州界二十五里。北至東光縣界四十里。東南至濟南府陵縣界三十里。西南至德州界二十五里。東北至甯津縣治五十里。西北至景州治四十里。漢置安縣。屬平原郡。後漢省。晉置東安陵縣。屬渤海郡。後魏去東字。隋大業初併入東光。唐武德四年復置安陵縣。屬觀州。貞觀十七年屬德州。宋景祐二年省入將陵縣。金始分將陵之吳橋鎮置吳橋縣。屬景州。元明因之。本朝屬河間府。圖志吳橋縣繁難。西北至府二百四十里。有連窩一鎮。安陵故城在縣西北。晉葺吳橋縣。在景州東五十里。北至東光縣界四十里。縣城南門外有吳川。古黃河

江北運程

卷八

五

隄也。吳橋縣志吳川在縣城南門外。古黃河隄。金始於此置縣。川上有橋。縣因以名。二統志吳橋縣城周四里有奇。門四。明正統二年因舊修築。崇禎十一年改建磚城。河間府志吳橋本漢將陵地。漢宣帝以封外家史氏。晉武於此置縣。所謂東安陵。吳橋志言漢置安陵非也。今縣東南三十里趙寨鎮北有將陵故城。縣西北二十里有東安陵故城。址並存。將陵今山東陵縣。距吳橋境壤尤近。明縣地在昔本屬平原郡矣。吳橋名鎮者。邑人傳爲古大姓吳氏所族居。或曰燕吳王慕容垂嘗引兵經此橋。故稱吳橋。亦無稽焉。自金置縣。至明崇禎初已四百餘歲。當城

中達。隱然猶有故隄斷岸之勢。掘地者多得方磚巨瓦。出卽埋之。父老謂此吳橋處也。城外大河南岸舊有橋。傳爲吳橋。南頭與城中橋北南北對值。相去凡二里。方輿紀要吳橋縣衛河在縣西三十里。與景州接界。又北入東光縣境。北河續紀吳橋縣治在運河東岸二十里。河防志吳橋縣河道北自東光縣交界起。西岸南至景州交界清水灣止。東岸南至山東德州衛交界。王一光塘俞按一作塘止。計程四十二里。畿輔安瀾志謹案吳橋縣運河東岸自半截碑至連窩鎮之對岸。凡二十七里。其河廣十三四丈。縣西南三十里曰白草窪。運河全入直隸省。自吳橋縣始。東岸接德州衛交界。西岸接景州界。入縣境。屈曲東北入東光縣界。北河續記吳橋縣主簿河道東西各六十里。東岸南接德州羅家口起。北接東光連窩淺止。西岸南接德州白草窪起。北接東光王家淺止。吳橋縣志縣鏡懸千頃。虹駕雙河。

江北運程

卷八

三

國朝蔣謝庭奏畧三月後尙未續得雨。澤恐河水日漸消落。則吳橋縣之石馬灣。故城縣之老涯頭。白馬廟。古淺處。所卽不免淺阻。現於石馬灣等處築偏埧數道。將河水側注一邊。添長六七寸以資重運。倘按此奏在嘉慶元年四月時任巡漕御史。稍春發吳橋晚抵東光詩。迢遞弓高路商飈激遠。林城烏盤暝色野馬漲秋陰影動箒鐙暗寒籠絮帽深連窩遺版築如見日禪心。

一統志景州在府東南一百九十里。東西距八十八里。南北距

六十五里。東至吳橋縣界十八里。西至冀州棗強縣界七十里。南至山東濟南府德州界三十五里。北至阜城縣界三十里。東南至吳橋縣治四十里。西南至故城縣界八十里。東北至東光縣界四十里。西北至冀州武邑縣界八十里。漢置修縣。屬信都國。後漢改入勃海郡。晉及後魏因之。隋開皇五年。改修曰蓀。仍屬信都郡。唐武德四年。於弓高縣置觀州。以縣屬之。貞觀十七年。州廢。改屬德州。永泰元年。還屬冀州。五代宋因之。金始以蓀縣屬景州。元初。升爲元州。後復爲蓀縣。至元二年。自東光移景州來治。屬河間路。明初。省蓀縣入州。屬河間府。本朝因之。圖

江北運程

卷八

西

志景州。衝繁西北至府一百九十里。有馬驛一。安陵宋門廣川。李宴四鎮。巡檢駐龍華。營最景州。在河間府南二百里。南至山東德州界三十里。州東二十里有衛河。東北三十里有千頃窪。明宣德末。河決被害。知州劉深開渠入窪。民免水患。一統志景州舊爲土城。周四里。門四。濠廣二丈。元天歷間。蓀縣尹呂思誠築。本朝康熙十一年。重修。乾隆九年。撤舊增築。二十三年。改建磚陣。河間府志言地輿者。多以景州爲漢弓高廣川之舊。王奠河間郡志。并觀津及之。屈成霖景州新志。旣辨弓高屬東光。又引元和郡國志。謂觀津自唐以來。已不在今景州封內。足證

舊州志州西四十里爲竇氏青山之失。至云德州之曰廣川。以晉武改廣川爲長河。移屬平原故也。棗強之曰廣川。復並棗強入廣川故也。景州之曰廣川。以廣川來屬故也。尤瞭若指掌。要之今景州。正得漢勃海郡之修市修縣地。修讀條侯。周亞夫國世祖功臣杜茂亦侯於條。方輿紀要景州。衛河在州東十里。自德州流入境。經州東。安陵巡司在其西岸。又東北經吳橋縣境。入東光縣界。五代梁時楊師厚自弓高渡御河而東。逼取滄州。卽衛河也。北河續紀景州治在運河西岸二十里。畿輔安瀾志水經注。清河又逕修縣故城南。屈逕其城東。謹案修音條。漢封周亞夫爲條

江北運程

卷八

五

侯是也。城在今景州南十三里。景州志衛河今日運河。自山東德州西北華家

口。又北至薄皮淺。又西北至狼皮淺。迤東。又西北至安陵鎮。凡西岸隄工二十四里。爲淺者。四岸山東德州衛。與直隸吳橋分轄。以河心爲界。河防志景州河道。西岸北自吳橋縣交界。清水灣石碣起。南至山東德州衛交界。石碑止。計程二十四里。北河續記景州州判河道。南接德州羅家口起。北接吳橋狼家口止。共二十四里。畿輔安瀾志謹案。景州運河。東岸屬吳橋。西岸自羅家淺至徐家莊之對岸。凡三十九里。其河廣二十八丈。至三十丈。深二丈一尺。方輿紀要景州。南襟德棣。北帶滄瀛。轉

輸百萬。悉出其郊。漳衛之濱。處處皆險也。若其連青濟之甲。走深冀之道。河北諸州。皆將奔命焉。蓋地形四通。可左可右。馳驅

燕趙。此亦發軔之所也。五代梁乾化二年。晉爭河北地。梁人合

兵攻蓟。

卽今州治。

晉將李存審時屯德州。謂諸將曰。蓟縣方急。若坐

而視之。使賊得蓟。必西侵深冀。患益深矣。乃出奇破梁兵。自是

梁不能復有河北。然則州之所繫。豈淺鮮哉。運河道冊。乾隆二

年七月二十九日。都察院左副都御史陳世倌奏陳十事。一直

隸景州環城皆水。低下之田。十居其四。每運河水發。輒被滄浸。

蓋因德州故城縣水自西南而來。匯於州東北。名千頃窪者。與

江北運程

卷八

六

東光南皮接壤。流入交河縣之夾河。歷青縣入運河。達於海。年

久耕種納賦。東光南皮之民。堅築窪口。不令開放。又州南惠民

渠向匯諸水入千頃窪者。今故道湮廢。致水四出。民間被害。查

康熙四十二年。雍正七年。及十二年。三次開放。歷有成案。今應

將窪口開放。庶積水可涸。冬春不悞種麥。但下流不通。則放下

之水。東光南皮不免鄰國爲壑。請下督臣。將千頃窪至交河以

下故道。有無深通。歸宿何處。現在可否疏浚。俾令通流。不特景

州水患可除。卽東光南皮亦均沾樂利矣。總理王大臣議覆。查

千頃窪。離城東北僅三十里。初係開渠引水入窪。俾毋汎濫。爲

民利今既入水故道湮廢而利窪之利者又築塞窪口則上流

下流均受其病請交直隸總督速行查辦畿輔安瀾志景州之

向化屯諸村積水由大道旁溝奔注阜城東光二縣接壤之區

往往罹患乾隆五年阜景兩州縣詳委勘估循河舊跡由景州

界石碣起上接江江河經阜邑之塞馬鋪折而東北流逕沙窩

張家棗行厲家莊趙門子莊曲家莊陳家菜園入東光之普陀

河卽普頭河夏秋大雨時行藉以宣洩冬春水落沙停每年於清明

後一日督率鄉夫疏濬二十三年添設老人渠長分段認管河

身兩傍栽植柳樹今景州向化屯而下河分兩支東支較北支

江北運程

卷八

七

稍深緣地勢窪下故也瀝水至此分洩入東支者十之八北支

者十之二商按景州吳橋東光一帶時有漳水故蹟纏絡其間

載安瀾志甚詳節錄於此漳河故道其正流北入武邑縣之東

南又北逕景州西景州志張甲河自棗強縣東北至武邑又東

劉八莊又東北至樂家寨入阜城定卷屯界北至千民屯又北至

里零現有河岸向以河心爲界西屬武邑東屬景州而由阜城

交河入青縣之鮑家嘴歸運乾隆四年議開此河回漳清運擬

在水利非宜議罷謹案一統志張甲故瀆在故城縣及景州界舊

志在景州西七十里東北入阜城界考此卽老漳河所行之道

也又云漳河李家河樊家河俱在城東北導水入窪之路考張

甲河由棗強縣東南來至州東北順政鄉合於漳河今棗強縣

志無張甲河有黃盧河是卽古黃河之所逕河去而漳循其故

道景州則猶存張甲之名一統志所云漳河爲導水入窪之路

則其岔
支也
又北逕吳橋縣東。方輿紀要漳河在吳橋縣東二十五里衛河挾河而北每遇霖潦往往輒

溢此即衛漳二水決而
東出春非漳河正流也
又北逕東光縣西。天平寰宇記濁漳水在東光縣故城北二十

十里今邑西一里方輿紀要漳水在東光縣西一里自吳
橋縣流入又北仍合於衛河今上流已涸不復至縣西也
又東

北逕阜城縣西北則有土平河之水自西南來注之又東逕交

河縣南。交河縣志洚河在縣西五里邑名洚陽以此有洚河寺
在縣東三十里今廢謹案此即古漳河所行之道縣志

謂之洚水漳洚本同稱也志又云洚陽邑名未知何據一統志
此漳河自邱縣分流獨行歷故城景州阜城交河諸境與武邑

縣西之胡盧河絕不相涉舊志謂即胡盧河誤又漳河未入交
河之先別有岔支一道自阜城蔣家莊入縣之常家庵由田家

廟至夾河村東歸正河正河至佟家莊分出一支迤邐東南即
志載沙河正河至三岔河又分一支迤邐東北即志載倒流河

考漳河現在形勢自阜城縣分支入境行六七里合流東行可
二里訖復分二支其一稍南東行與東光縣西北接界亦名沙

河北運程

卷八

七

河自縣東南歸於漫河長三十里其正支稍北經縣城南東北

行逕城東之八尺高林張大窪之水入焉復東北行至西濟橋

倒流河之水入焉復東行里許日三岔口漫河之水入焉又東

北七八里小營河之水入焉又東行四里許直縣之東北隅新

挑溝之水入焉自此與滹沱河脈絡相通又並
東北行至高家莊入青縣長一百餘里今涸
又東北至天津

府青縣之杜林木村與滹沱河合又東北至鮑家嘴入於運河

其合處曰岔河口亦曰汭河口此漳水之經流也。詳卷六鮑家嘴條古

沙河起山東武城縣東南東北流至直隸故城縣曰沙溪河又

名南河匯於縣西之龍潭自縣西關外牛谷莊起至馬家莊出

境又東北至景州大洋村注於漫河。方輿紀要沙河在武城縣東南十五里故城縣西北

二十里有太子營沙河所經也故城縣志太子營在縣西北二

十里今名南化村北化村沙溪秋雨後即有魚蝦春至則涸地

多沙磧故名。謹案古沙河與元城縣之沙河各爲一水。當是柳行港故道。其上游久湮。又太子營紀要以爲相傳。唐太子建成討劉黑闥嘗駐於此。縣志以爲寶建德自稱夏王二子嘗駐此。均爲流俗譌傳。可知。漫河上接故城縣。瀝

水入景州南境之大洋村。名大洋河。又東北逕小洋村。王官店。

劉智廟。又北逕白龍王廟。十五里鋪。又東北逕十里鋪。迤西入

惠民渠。又西逕亞夫村。又東北逕十里鋪。又西北逕永興屯。又

東北逕向化村。東出楊道村。北屈逕團裏村。又北逕桑園村。又

東北入東光縣境之安家墳。凡一百二十里。而入阜城縣東南

境。又東北入東光縣之西境。又東北入交河縣之東境。又東南

流八里漳。河支分之沙河入焉。又北流逕左家橋。小營河出焉。

江北運程

卷八

五

至三岔河入於漳河。

景州志漫河又名沙河。方輿紀要漫河店在阜城縣東南三十里。自此達景州亦三十里。今日新中驛。謹案漫河乾隆五年挑濬以消瀝水。別有普通河一道。自阜城縣小高家莊流入縣西南逕柴劉家莊曹家莊雙廟姚家莊大張家莊亦入交河縣之周通家莊。共長二十里。一名普頭河。或曰漫河在阜城名古沙河。在東光稱普頭河。阜城縣志屯氏河在縣東南俗呼絳河。原名江江河。亦名曲流。爲漫河。蓋川流遷徙難以稽考矣。

河源出故城縣西南二十五里。蓋因地勢高下而挑濬之者。逕

縣城西北入景州之西南境。卽古沙河也。以逕州境之江江村。

故名。又東北過北江江村。仍入故城縣界。又東北逕趙普村。復

入景州界。又北逕王道童村。玲瓏脊百碾西梧村。舊市縣故城。

又東北逕司馬莊永興屯。與大洋河合而北流。入阜城縣界。又

東北。逕東光縣。合普頭河。又東北。逕交河縣境。下入青縣之鮑

家嘴歸運。

水經注舊瀆。又東逕蓀市縣。故城北。俗謂之溫城。非也。禹貢錐指漳絳本入河。及河徙之後。漳絳循河故道而下。故

鄭道元云。水流間關。所在著目。信都復見絳名。而東入於海也。然漢志信都之絳水。則又有別志云。故漳河在北。東入海。禹貢

絳水亦入海。縣北故漳。卽禹河之故道。而絳水出其南。則漳水

之徙流。鄭道元所謂絳瀆者也。蓋漢時信都之漳水。徙從其縣

南。故地志以此爲絳水。而目縣北之瀆曰故漳河。其後漳又復

故道。故水經敘漳水。仍自信都縣西。東北過下博縣。西。鄭道元

云。絳瀆今無水。此渠乃漳水一時之徙流。漢志以爲禹貢之絳

水。自後說經者。動稱枯絳。以證導河之所過。皆班固禹貢二字

誤之也。謹案水經注漳水。又東逕屯留縣。南屈逕其城。東絳水

注之。又東逕壺關縣。北禹貢錐指屯留本春秋晉純留邑。漢置

屯留縣。其故城在今縣東南十三里。屯讀曰純。壺關今長治縣

東南。則是絳水仍在山西境也。史記北過洛水。至於大陸。鄭元

曰。地理志絳水在信都南。索隱曰。地理志絳水從糸。出信都國

江北通經

卷八

三

與漳沱漳河水並流入海。正義曰。括地志云。絳水源出滋州屯留縣。是也。方輿紀要。絳河卽阜城縣之胡蘆河。東流逕此。又東北五十里。爲三岔河。亦曰三

汭河。此卽今之所謂絳水也。惠民渠在景州境。明宣德中大河

北決。自德州潰入境內。知州劉深自城北隄外開渠。導入千頃

窪。水患始息。年久淤塞。嘉靖癸丑。徇按三十二年知州吳澤訪故渠濬

之未成。乙卯。徇按三十四年知州馬進階復自南隄外開濬。轉西而北

引入故道。水勢得洩。萬厯間。知州許東周復濬爲二支。一支自

城南三里鋪接大洋河起。逕亞夫村。抱隄周西而北。逕北關三

里莊。與東支合。東支自城南皇殿村葛家莊起。繞隄而北。至三

里莊。與西支合。過莊東北行。又折而西。逕七里莊南。又北。逕小

新莊馬天一莊關家河西又東北逕修家河姚家河秦家河又東北逕桑園村入千頃窪此惠民渠之故道也 國朝乾隆五

年知州楊裕祖署牧程士藪相繼開濬大洋河引入惠民渠渠

故壅塞因於城西北隄外順大道疏之北抵向化村與西來之

江江河合東逕八里堂李家河溝又東逕修家等河入千頃窪

較故道遠二十餘里羅案邑人張萼年惠民渠碑記載州牧屈成霖語謂大洋江江州之氣口也惠民渠

其腹背千頃窪其尾閘也血脈常通病何由而入景邑情形誠如所言近日河流徑徙樊家莊迤北直下東光之安家墳抵漫

河橋與千頃窪東西相距十數里則又非當日惠民渠舊迹矣各河下流名稱互舉要當以江江村至向化屯橋之上為江

河大洋村至三里鋪之上為大洋河自三里鋪以下至北關城東支逕向化屯下至安家墳為惠民渠岔支北入者仍阜城古

江北運程 卷八

三

沙河景州志州六水騰傾五窪澹汴河江江河張甲河惠民渠

也五窪千頃窪城東北四十里蒲窪城西七里袁家窪城西南三十五里白草窪城南四十里蝗蟲窪城南五里

國朝和甯遵查景州大道積水疏奉諭陳大文奏故城縣刁家門漫口堵築合龍一摺刁家門漫口現

經該督飭令地方官搶堵合龍並將新隄加高培厚自臻穩固但朕近聞景州大道積水雖由刁家門漫口所致亦因山東屈家渡

孟家口一帶漫水下注泛濫為患是景州上下游皆應一律疏消現在和甯前赴山東新任著順道往勘如有應須辦理卽飭屬設

法趕辦其景州大道積水仍著陳大文飭令該州等上緊疏濬將道路妥為修墊以便文報行旅欽此臣等卽取道武城夏津縣境

於十四日抵臨清州勘得屈家渡在州城西門外五里乃汶衛兩水匯流頂衝要地本年六月十七日大水漫溢衝決隄

正長五十一丈自二十三日開工鑲作埽玉面寬三丈高深一丈八尺至三丈七八尺不等七月二十五日合龍孟家口

在州城西南四十里為衛河正道六月十七日大水漫溢衝決隄工長七十八丈八月十六日開工補還原隄頂寬三丈

聖諭景州

底寬五丈高一丈九月初六日完工其南面靠河又築直隄一
道長一百九十五丈頂寬二丈底寬五丈高一丈十月十
九日完工臣覆加履勘兩處隄工埽底掛淤痕跡膠固已久
而水面去隄頂一丈有餘隄外涸成乾地並無衝刷餘波且
臣前在鄭家口詢之直隸故城縣令據稱才家門漫工經河
間府知府姚梁等晝夜堵築於十月二十八日合龍伏思本
年夏雨過大當河水初漲自直隸之西河鄭家口孟家灣刁
家門至山東臨清州之孟家口屈家渡三面漫溢同時湧發
而景州適當其北地窪停水日久難消誠如

水注泛濫為患但三處隄工比較合龍日期屈家渡孟家口漫
口最早刁家門最遲則知景州上游上月仍有下注之水必
係刁家門餘波今刁家門業已斷流但從景州下游設法疏
濬其大道積水自可立涸所有查勘屈家渡孟家口兩處隄
工新築堅牢目下無須辦理俟開春化凍再查沿河長隄如
有低薄衝陷飭屬加高補築防其未然倘按此奏在嘉慶六
年十一月明劉薦發景州詩淡淡夕風作蕭蕭蘆葉鳴林
間眾鳥息河上一舟行海近雲常溼天虛月更清神京看漸

江北運程

卷八

近且緩望鄉情 楊士奇 晚次景州遇李傾呂文質詩下馬
郭西林蕭條盡掩門荒城明落景獨樹出平原野水條侯墓
寒蕪董氏園閒因訪遺事邈迥故人論 國朝龐塏過景州
詩廣川南北道來往嘆相仍日冷舍利塔煙荒蝦蟆陵衝塵
悲老馬掠野迅蒼鷹正欲投人處疏林見遠燈 趙善慶過
景州詩又過弓高路城臨古塔邊懸光射牛背倒影落車前
趁市人煙集填街社鼓咽明朝歲將盡處處試新年 田同
之景州道中詩弓高煙樹接重邱帆影垂垂塔影浮一綫長
河連勝地不知何處廣川樓 張雲璈景州詩滿目悲行役
憑誰問苦辛寒聲催白雁鄉淚積黃塵淀外水猶壯營邊柳
不春由來燕趙地慷慨說佳人 程式莊景州懷古詩衡漳
縈繞抱層臺志重春秋著玉杯晚渡河流衝馬鬣遙從雲影
望龍堆殘碑廢冢寒煙斷古木荒城朔吹哀一語犯顏千載
鑑纖兒鷹犬笑凡材 徐璈曉發景州詩薊門驅馬閱郵亭
客舍鳴雞尚曉星大野霜迎朝日白高天風定早霞青三關
地勢雄南極九道春流靖北溟從古朔方經武處祗今空見
勒功銘 孔繼鑠景州弔周亞夫詩大勇骨堅處小勇貌雄
武我行過景州詩筆勁於弩亞夫留軍屯草木尙威怒温温

漢文帝知人實英主大事屬將軍彌留託心膺程材古重臣
豈獨了吳楚鞅鞅六字獄此恨鬱千古英雄有餒魂求食知
何所太息復太息驅車出隴畝細柳鳴酸風斜陽黯無語
黃秩林景州詩畫角清笳五夜聞關門寒逼一燈昏天連瀛
海馳驅闕地入神都拱衛尊老樹盤鴉董相宅荒原散牧亞
夫屯甌生亦有匡時畧攬轡躑躅立曉暉寶釐景州風雨
詩天將秋色供詩料風雨重陽到景州卻羨路旁田舍叟菊
花盈把笑昂頭又景州懷古詩黃葉晚蕭騷條侯此建旄
諸村環水靜一塔入雲高颯爽風常振淋漓雨亦豪青山誇
寶氏憲也豈英髦黃承吉景州曉發詩北行多悲風風高
挾塵起驚沙帶眉睫咫尺失前軌太息車中人胡爲遠行此
親知各在鄉鄉關二千里陽春二三月花事紛如綺長安佳
麗場夾道生桃李行行向燕市爲訪燕臺地結念青冥間勞
勞自今始梅植之景州訪董仲舒故里詩公羊墜緒那能
挾天縱斯文啟大儒一代功名傳海甸千秋俎豆重江都執
經諸子升堂進禱雨羣神挾轂驅畢竟廣川繁露學故鄉箋
注有吾徒稻春景州懷古詩寒煙草沒條侯冢落日狐鳴
董相祠晚近文章多士策紛紜壁壘小兒嬉豈堪黃老離經

江北運程

卷八

術不信韓彭負主知欲起九
原詢末路西風下馬讀殘碑

六里左岸第四屯

六里右岸郎家口景州

恂按景州志作狼家淺云華家口又北至薄皮淺又西北至狼

家淺迤東

二里右岸華家莊景州

景州志玉泉莊又東北至陂塘淺又西北至華家口又新老村

地方在城東南十五里轄村莊十七有華家口畿輔義倉圖華

家口北距安陵倉六里

五里。右岸御前莊。

景州又按御前莊水東岸有吳橋會義吳莊一

恂按景州志作玉泉莊云新老村地方有玉泉上莊玉泉下莊

又云羅家淺又北至玉泉莊畿輔義倉圖玉泉莊北距安陵倉

十二里河間府志凡衛水之支流別出吳橋者為鉤盤河由吳

橋會鉤盤河入甯津者為老黃河鉤盤河在吳橋縣西南蓋唐

時河流決入之道以新蹟而被以古名者也自縣東北玉泉莊

會老黃河同入甯津老黃河亦在吳橋縣西南導山東恩縣四

女寺插之水由德州入境東北行至縣屬玉泉莊會鉤盤河入

甯津縣又北行轉入南皮縣山東通志老黃河自直隸元城縣

江北運程 卷八

五

至德州為禹醜二渠之貝邱川貝邱漢屬清河郡今為東省東昌府清平縣至王莽

時遂為屯氏河支瀆自德州至樂陵為甯津故道自直隸鹽山

縣至東省海豐縣大沽河口則唐時所開之無棣溝也今會為

一渠通謂之老黃河景州志云自德東北至玉泉莊

五里。右岸羅家口。

景州吳橋昔為老黃河險隘亦吳縣轄西南蓋

畿輔安瀾志謹案景州運河東岸屬吳橋西岸自羅家淺至徐

家莊之對岸凡三十九里吳橋縣西岸之白草窪高家圈東岸

之羅家口於乾隆八年總河白鍾山奏以兩汛隄工錯雜歸併

德州衛自開四女寺哨馬營兩減水埧引河分洩有資吳橋一

縣首獲其利。景州河道南自清河入直隸境後，與山東邊界交錯。經德州西迤北至德衛第七屯河之西岸，交景州屬。屈曲而北，東行交吳橋縣安陵把總汛。乾隆二十四年，總督方觀承奏請歸併東省。柘園鎮迤北河道隄工，分歸州判管理。舊與東省以河心爲界者，亦統歸景屬矣。又安瀾志：吳橋縣運河隄，東岸黃字共三十八號，西岸字字共三十三號。東西岸各長四十二里。東岸自黃字一號起，至十九號止，分二十五段，長十五里。險工六。第十一段頂沖曰李家門前縷隄，第十三段迎溜曰安陵街河岸，第十九段頂沖曰南月隄，第三十二段頂沖曰老月隄，第三十四段暨三十五段頂沖迎溜曰徐家莊西月隄。西岸自字字一號起，至十六號

江北運程

卷八

壹

止分三十段，長十五里。險工六。第六段迎溜頂沖曰官柳園西，第十一、十二段埽灣曰三官廟後，第十七段埽灣曰陳家濠縷隄，第二十段埽灣曰真武廟前，第二十五段埽灣曰縷隄，第二十七段迎溜頂沖埽灣曰縷隄。東

岸自黃字二十號起，至二十八號止，分十八段，長二十七里。險工五。第二段埽灣曰徐家莊北縷隄，第三段頂沖曰徐家莊北官隄，第十段頂沖埽灣曰十五里鋪南月隄，第二十六段暨二十七段埽灣頂沖曰三里淺官月隄。自德衛柘園鎮北至清水灣止。乾隆二十

五年新歸東省隄工，無字號，分十九段，長二十里。險工三。西岸

自字字十七號起，至三十三號止，分三十一段，長二十七里。險

工三。第十段埽灣曰蘇家莊南月隄，第十八段埽灣頂沖曰李梅莊東隄，第二十四段埽灣迎溜曰三里莊縷隄。景

州運河隄，官民各半。元字二十四號，專管西岸。南接德衛，北入

吳橋縣長十九里分二十五段險工三第十一段迎溜頂沖日馬家井垣頭第十三段

頂沖埽灣日真武廟前縷隄第十九段埽灣日觀音堂其第五段之琵琶灣向屬頂沖迎

溜乾隆二十四年秋汛奔濤急下沖灣作直化險為平西岸宇

字一號至十六號止分三十段長十五里其險工見吳橋隄下

景州志運河自山東德州西北抵桑園鎮入州境羅家淺又北

至玉泉莊又東北至陂塘淺又西北至華家口又北至薄皮淺

又西北至狼家淺迤東又西北至安陵鎮州河防之境止凡西

岸隄工二十四里凡為淺者四東岸山東德州衛直隸吳橋縣

分轄以河心為界

江北運程

卷八

右自戈家墳起至羅家口衛河經吳橋縣及景州境計程

六十九里上入山東濟南府德州界倘按治河要覽言吳橋河道北自東光縣

界起西岸南至景州界止東岸南至山東德州界止計程

四十二里景州河道北自吳橋縣起南至山東德州界止

計程二十四里共六十六里較水程細數單計縮三里

又按河程記由德州之梁家莊驛歷七十里為安德驛再

七十里為良店驛再七十里為吳橋之連窩驛也而德州

衛東岸北至吳橋縣境西岸北至景州境有淺鋪九日張

家灣日圓窩口日五里莊日降民口日丁官屯日劉官屯日四里屯日八里屯日高官廠由景州西岸北至吳橋縣境有淺鋪四日羅家口日薄皮口日坡唐口日狼家口由吳橋縣東西岸俱北至東光縣境有淺鋪七日降民屯日鐵河圈日朱官屯日小馬營日郭家圈日三里日王家日河防志言吳橋縣河道北至東光縣交界起西岸南至景州交界清水灣止東岸南至山東德州衛交界王光墳止計程四十二里東西兩岸共六淺東岸日連窩淺日小

馬營淺曰鐵河圍淺西岸曰王家淺曰郭家圍淺曰朱官屯淺南四淺錯落於山東德州衛第六十餘里河道之間曰降民屯淺坐落山東德州衛第四屯南東岸半邊曰羅家口淺坐落山東德州衛第六屯東岸半邊曰高家圍淺坐落山東德州衛老君堂北西岸半邊曰白草窪淺坐落山東德州衛白草窪西岸半邊景州河迤西岸北自吳橋縣交界清水灣石碣越南至山東德州衛交界石碑止計程二十四里 吳橋縣西境河道南行曲折偏西沂流景州東境河道下自吳橋入境西南行過安陵南行稍西皆沂流 又按萬里雲程戈家墳五里連兒窩五里扈家園五里董家莊五里十五里十里郭家園十里徐家口五里安陵六里第四屯六里狼家口五里華家口五里御前莊至羅家口共七十二里 倘按吳橋景州境舊為漳水所

經 詳本卷景州及漳之一支管入甯晉泊 畿輔安瀾志漳卷六鮑家嘴條

自河固村東北流逕小新寨小連寨小第入北龍堂又東北流逕張遂村則有自山東館陶縣北出至縣東北王固

江北運程 卷八

三

村之支河流入焉又北流入順德府平鄉縣南境逕麟兒橋是為小漳河又北逕麟兒村董固村蘇家莊入廣宗縣南境其東岸上自曲周縣陳家莊正北入廣宗縣之南三周村又北流逕鋪上小莊霍城寨五里莊陳村洗馬村青村觀村又西北流逕尹板臺村其西岸自平鄉縣閻家莊正北入廣宗縣之燒窯莊折而東北流逕太平臺小柏社東臺林又折而西北流四里逕尹板臺村北入鉅鹿縣南境之花窩林又北逕張王町王六村馮家寨蘇家營又曲而西北逕臺頭紫城北屋伏君廟入冀州南宮縣南境之杜家常路又東北流逕小周家村大周家村入新河縣境又北流至隆平縣與滏陽河會入於甯晉泊其下流則今新張河胡盧河所行之道也川渠既斷非復纏絡矣 謹案漳河分支起自磁州東北歷廣平府之邯鄲永年成安廣平等縣下至冀州新河縣止自元泰定帝致和二年即明宗之天歷元年己巳入境迄 本朝康熙五十五年丙申而流絕凡三百八十九年明實錄英宗正統三年直隸廣平順德二府奏漳河決蓋二府之境相連屬也水經漳水又東北過曲周縣東又東北過鉅鹿東酈注以衡漳故瀆

當之元衡漳故瀆東北逕南曲縣故城西地理志廣平有南曲縣應劭曰平恩縣北四十里有南曲縣亭故縣也又逕曲周縣故城東衡水又北逕鉅鹿縣故城東鄭元注尙書引地說云大河東北過泝水千里至大陸爲地腹如志之言大陸在鉅鹿地理志曰水在安平信都此漳水與大陸澤相關之明驗也但今大陸澤在鉅鹿縣之西南小漳河之東北注者則甯晉泊耶泊澤本相連通典元和志皆云邢趙深三州爲大陸澤地是也詳大陸澤甯晉泊二篇直隸潞水之區北有東西兩淀南有南北二泊兩淀旣詳言之矣。

見卷三之末

二泊則大陸澤爲南泊甯晉泊爲北泊實

皆古大陸也其紀載最悉者畿輔通志言大陸澤一名廣

阿澤在任縣土人謂之張家泊元和志大陸澤一名鉅鹿

在縣西北五里東西二十里南北三十里

乾隆十三年查丈大陸澤東西

江北運程

卷八

三

廣十三里較元和志縮七里南北袤三十五里較元和志贏五里畿輔安瀾志紀大陸澤袤三十五里廣十三里據乾隆十三年查文葭蘆菱蓮魚蟹之類充牣其中卽南泊數言也故與此異

也百泉入澤牛尾卽達活河上承諸澗谷晴則乾涸雨則泛

說其上源澤入沙入洛入劉累入程二寨源出自沙聖水則有四

入順水入澤蔡馬卽李陽河卽小馬河古龍騰水也源

騰山名九龍河逕柳村名柳等河咸入焉北有穆家口洩

林河至任縣西北境合聖水之於北泊東有雞爪張滋等五溝洩之於滏河順治十八

年重濬日久湮塞而五溝亦淤其三祇有雞爪張滋不絕

如縷有所受而無所洩伏秋漲溢大爲瀕澤居民田廬害

雍正四年。怡賢親王開穆家口河。長四十里。挑河之土。卽以夾築長隄。導澤水而注之北泊。雞爪等溝亦加疏滌。於是水患旣除。水利亦興。邢家莊南邊家莊北引流種稻。營田數百頃。畿輔安瀾。志言大陸澤在順德府任縣東北二十里。卽禹貢所謂大陸旣作者也。古廣阿澤亦作廣河澤。一名泰陸水。一名鉅鹿澤。一名大麓澤。亦作大鹿澤。一名大阿澤。一名沃州。山海經敦與之山。淳水出於其陽而東流。注於泰陸之水。郭璞注。大陸水。今鉅鹿北廣河澤是也。呂氏春秋九藪。趙之鉅鹿。高誘注。卽廣河澤也。張守節史記正義。大陸澤在邢州。前漢書地理志。鉅鹿。禹貢大陸澤在。北後漢書郡國志。鉅鹿。故大陸有大陸澤水。

江北運程

卷八

完

經注。衡水又北。逕鉅鹿縣。故城東。應劭曰。鹿林之大者也。尚書曰。堯將禪舜。納之大麓之野。魏書地形志。鉅鹿郡。瓌陶有沃州。城李吉甫元和郡縣志。鉅鹿縣。大陸澤。一名鉅鹿。在縣西北。葭葦魚蟹之利。充物其中。澤畔又有鹽泉。煮而成鹽。百姓資之。昭慶縣。廣阿澤。在縣東二十五里。卽大陸別名。鹿城縣。大陸澤。在縣南十里。陸澤縣。三里。卽大陸之澤。太平寰宇記。廣阿澤。一名大陸。一名鉅鹿。一名大麓。一名沃州。尚書曰。大陸旣作。鄭康成注云。大陸澤在鉅鹿。案漢鉅鹿。今平鄉也。十三州志云。淮南九藪。趙有鉅鹿。今其地卽廣河澤也。馬端臨文獻通考。大陸。大鹿。大河。一澤。異俗名。張家泊。張懷忠張家泊。辨大陸澤。一名張家泊。其來舊矣。好事者競詆爲誤書。張從漳且實其詞曰。漳家泊者。以漳水而得名也。漳水古未入任。止名大陸。澤自明萬歷間。漳河水始由廣平曲而入任。汜濫至今。六七十載。土人因名漳家泊。世俗乃傳爲張者。誤之甚也。爲漳之說者如此。張家泊縣志書載甚明。縣志作於隆慶之元年。已載張家泊。隆慶前萬歷一代。豈古人豫知漳水之入任。而先誤設此名。以待後人駁正乎。夫古人以

人名地皆適然之辭後人因其泊而泊之則亦因張家而張家之卽如今之牛家口劉累河之類是也且漳者水也非人非氏家之義又何云乎羅案漢置任縣及張縣俱廣平國後漢省張縣以任縣屬鉅鹿郡張家泊豈因張縣而以縣爲家耶則又對甯晉泊而言則名南泊以其在縣之張之得名古矣

東又名小東湖南北袤三十五里東西廣十三里據乾隆十三年

查丈入澤之河逕入澤者凡十轉相入者不計續行水金鑑不錄聖水河亦以其與蔡河會流入澤

也一洺河源出山西遼州太行山中東南流逕河南武安縣入邯鄲西北境二川雙導繞紫山之北一名

易水一名南易水一名漳水一名千步水蓋古澆水也二川合而東北入永年縣西北境又東北流逕狗山北又東

流十里逕臨洺關北又東流十四里逕龍泉村又東流二十里逕茹佐村又東北流二十里逕辛莊堡入雞澤縣西

南界又東北流逕浮屠店得沙河故津折而北流逕雞澤縣西小韓岡入南和縣東南界又北流十里逕善友村又

江北運程

卷八

三

北流二十里逕高村入任縣東南界又西一劉累河以逕北流三十二里逕尼家莊入於大陸澤劉累

村得各盜陽河支流也一名小漳河一名舊盜河一名牛尾河盜陽河東北流至廣平府治西南其北岸爲膈九九

膈之水渙流散積匯爲大川東北流繞府城而東折而北流逕下堡店入雞澤縣南境又北流逕雞澤縣城西又北

流逕馬坊營入南和縣東南境折而東北流二里入平鄉縣西境又折而西北流二里逕辛寨村復入南和縣東境

又折而東北流二十里逕史家村入任縣東南境又東北流五里逕劉累村又折而西北流二十二里逕尼家莊合

於沙洺河一沙河源出山西遼州境一名渴水自遼州分入大陸澤

嶺口東南流十里一自黃背口東北流十里會於縣西曲折東流於山谷中凡六十里逕廣陽山下之渡口村又東

流二十里逕左村邢臺之野河來會合流而東凡三十里遇大沙磧分爲二其一繞磧東北流二十里逕縣城南又

東流十五里逕段家莊狼溝河入焉又東南流十五里逕宋村入南和縣西南境爲澧河其一繞磧東南流三十里

逕普通鋪俗名普通河又東南流二十里逕田村人永年縣西北境又東流逕鄭厓村入雞澤縣西南境屈而北流逕浮屠店分爲二支左一支名岔河右一支名小裏河俱北流入焉東北流逕韓固營入南和縣東南境俗名乾河一名沙洛河又名新沙河又名程寨河東北流十里逕宋家莊又北流二十里逕郝橋鎮東又入在縣東南境又屈曲而東北流逕駱莊又北流一澧河其流沙河也在南十里逕東盟臺入於大陸澤和縣西南東北流二十里逕城南又東流十五里逕大趙鎮屈而北流二十五里逕郝橋西入在縣東南境又北流十里逕臺南村殷陳溝水東流入焉支流又北流二十五里逕東盟臺入於大陸澤謹案近古之勢滏陽河爲大陸澤灌注之通衢豐河爲大陸澤節宣之要道迨順治中任縣知縣吳懷忠尋得河身再爲開濬雍正中怡賢親王大加修治濬北澧河以達甯晉泊民咸賴之今滏河淤高水反倒灌奪澤去路豐河亦日淤塞在南者不足以容諸河之水在北者不足以洩大澤之水旱則盡成陸地潦則汪洋一片卽不早不潦而民不獲澤之利常被水之患任民之耕植難以豐收古

江北運程

卷八

三

大陸澤名沃州者以其利溥也今欲復其一百泉河源出碛非治滏澤不可而其功甚鉅蓋難言之一百泉河源出東南十二里之百泉村從地湧出不可數計故以百泉名卽古滏水或云便水一名鴛鴦水匯而爲滏廣周十餘畝其清可鑑分流爲二其一北流數百步折而東流二里又分爲二俗名葫蘆套自套而北者北流一里又分爲二一北流過沫耳牖入於七里河一東流逕孔橋又屈而南流逕王快東市入於七里河自套而南者折而東流又屈而北流逕西樓下村又折而東南流逕北屋村又分爲二入沙河縣界一南流逕潘莊合於狼溝河一東南流六里逕下善村亦入於狼溝河其一東流一里逕小廠村又東流七里逕前樓下村過石橋亦分爲二自橋而東者折而北流三里入於七里河以下百泉七里互受通稱矣又折而南流七里逕河會村又屈而東流一里入南和縣西境又折而東北流八里逕河郭村又北流五里逕小胡村又北流七里逕賈家村又東北流七里逕王家村入在縣南境又東北流十五里逕臺南村又北一順水河百泉支流也源出邢臺縣

江北運程

卷八

三

之東汪大賢廣潤永濟重興等十八插插中散水積以成
 川東流自邢臺以及南和河身散漫不復可考自南和縣
 北之賈宋村北入任縣西北之南甘寨村河流始顯東北
 流三十里逕大宋村達活河支流自河頭村東流入焉是
 名河頭溝又東北流十五里逕齊村一達活河。源出順德
 又北流二十里逕路村入於大陸澤一府治西北
 五里之達活泉一名蓼水西一泉曰瓦甕東流二百餘武
 匯為池廣周數百步深可一丈澄泓鑑澈碧映鬚眉東南
 逕郡城北土俗又名牛尾河又東流逕海會橋野狐泉水
 注之又東流逕高莊橋沙底河入焉一名響泉河以下互
 受通稱矣又東流四里逕張村又東流十八里逕小呂村
 百泉河支水北流入焉一為關家灣隔渠一為永濟隔渠
 又東北流十二里逕河頭村入任縣西南境又東流十八
 里逕任縣城西其支流東流二十里抵縣城環城為濠又
 自西水關入縣城東流逕縣治又東流逕縣文廟又北流
 出北水關入於城濠匯入正支其正支東北流逕縣城北
 又曲折東北流二十里一蔡河。其上流有二皆無泉源在
 逕南留寨入於大陸澤一邢臺縣境者首起縣治北

三十里之蘭陽岡東流岡下有小橋跨其上即往來驛路
 也東北流五里入內邱縣界逕下屯村而東南流五里復
 入邢臺縣境又東南流五里逕龐馬村復折而東北流十
 里逕陳家屯又東北流三里逕東時村之後有小泉三匯
 流入焉又東北流與內邱縣之蔡河合其在內邱者首起
 縣西南十里之狐狸村常時無水為西南山水及各村滲
 水之總道東行一里逕馬村又東行八里逕縣南二十五
 里之梁原店店與邢臺縣蘭陽岡對相去五里而近又東
 南流二十里逕太平村入邢臺縣境又東流十里與邢臺
 縣之蔡河合又東北流入任縣西北境逕張藿村又東流
 河形漸微又東流二里河形復顯又東流合於聖水河又
 東流入里小馬河自唐山縣東南流入焉又東流十里逕
 馬河橋入一聖水河。發源任縣西北十五里之聖井村上
 於大陸澤一有廟曰聖母廟井泉湧地而出環廟
 為河與蔡河會流一李陽河。源出內邱縣西北五十里之
 而東入於大陸澤一且停山兩源並發合而東流
 三十里逕石河村分為二雙導並屈而北流二十里逕內
 邱縣城西復合為一折而東南流五里逕李陽村又東流

十三里逕河渠鋪而入唐山縣西境又名馬河又東南流五里逕高村又東南流二十里逕景福村入任縣東北境又東南流逕牛村

羊村入於大陸澤環澤之村十六曰永福曰嶺南曰馬河橋曰薄村曰王村曰鄭家莊曰穆家莊曰黃家莊曰甄莊

曰甯家莊曰尼家莊曰馬家莊曰于監莊曰東盟莊曰路

村曰南晉村澤中之村一曰環水亦名塌圪臺

又雞爪河東北源出大陸澤中之環水村東流七里在邢家灣歸滏陽河其北有溝名小雞爪皆洩水之路穆家口河雞爪河

下流也雞爪河逕穆家口分二支一東流逕邢家灣入滏陽河一東流入新禮河新禮河即禮河下流也一名北禮

河在穆家口亦名穆家口河北流五里逕崔家莊入隆平縣東南境又北四十里入甯晉泊全澤之水所以歸北

泊者也謹案新禮河即舊滏陽河所行之道也往時禮河至穆家口會滏陽河北入甯晉泊直下天津明嘉靖間發

江北運程

卷八

正順二府民夫萬人修浚自穆家口村至羊毛圪塔上下相距四十里即此河也其時以河為禮河下游開其舊淤故名新禮又以禮河入任縣境任縣之內故又以北別之自萬歷二十六年漳河泛溢由曲周合入滏陽河滏陽河亦決而東徙此河遂淤於是全澤之水惟憑雞爪一河瀉入新徙之滏陽河而滏陽河又日淤高大陸澤水無所歸為害滋甚雍正四年興修水利乃復修濬蓋自元郭守敬至此禮河凡四治矣夫自滏不入澤入澤之水惟禮河最大禮治而大陸澤無不治者今新禮河之入隆平界者農人多為植蓄水以灌田河身日窄其流不暢隆民復築長隄於穆家口北水發無去路大陸澤遂長為任患云

大陸澤舊時所謂九河八水者蔡馬二河合聖水以歸滏陽百泉合達活以歸滏陽

豐合百泉以歸滏陽洛沙俱由石家渠以歸滏陽

泚河入滏涉河入馬河牛尾河入順水河順水河入達活程二寨殷陳

溝俱入灃。牛家口河入灃。是則十七水者。罔不歸於灃陽。

河故灃陽。又爲大陸之尾間也。

舊說九河入水篇中未載者。泚泆牛家口三河泚泆。

二河本入甯晉泊。明時或由唐山縣入任縣。歸大陸澤。今仍皆歸泊牛家口。河考大陸澤水治圖。詎謂漳河支流自曲周縣逕平鄉中義疇。入任縣境。逕邢家灣入灃陽河。府志任縣志取之。然其河身在灃陽河東岸。並流而北。至邢家灣。西入於灃於大陸澤。無與故於此。皆不載。

謹案禹貢大陸爲河所經。故曰大陸既作。一日至于大陸。其不言澤者。舉澤不足以概大

陸。舉大陸則澤在中。省文也。爾雅曰。廣平曰陸。河逕廣平

之地。瀦而爲澤。故又曰廣河澤。畿輔通志謂詳繹經文大

陸既作。其義與雲土夢作又同。孔氏莫傳所云地可耕作。

江北通程

卷八

五

猶荆傳所云水去而地可耕作。原不以大陸爲非澤也。此

說得之。通志又謂水勢變遷。涸溢靡定。卽以今大陸言之。

當水發時。洪濤浩渺。一望無際。及其既去。疏流修堰。污泥

橫潦。悉爲膏壤。以今準古。又何疑焉。說又不然。夫經所謂

大陸既作者。謂當洪水滔天時。澤與陸混爲一水。自禹功

既施。恆衛既治。然後水歸於澤。而大陸之地遂可耕作。非

謂澤盡成陸。皆可畎畝也。若以今準古。則所謂大陸澤。十

不一存。徒名具耳。通典元和志以爲在邢趙深三州之地。

以今地理考之。當起於鉅鹿。訖於束鹿。中跨平鄉。任縣。隆

平甯晉深州東鹿諸境。魏書韓均傳。廣阿澤。在定冀相三州界。新唐書地理志。鉅鹿縣有大陸澤。蓋大鉅同義。一澤二名。是鉅鹿本以澤名縣。文獻通考。平鄉古大陸野。今縣城卽古鉅鹿治。任縣前漢屬廣平。後漢屬鉅鹿郡。又漢置廣阿縣。隋更名大陸縣。卽今隆平縣地。唐置陸澤縣。卽今深州。皆以澤爲名。元和志。深州鹿城縣。大陸澤在縣南十里。卽今鉅鹿縣。漢書地理志。瘠陶屬鉅鹿。唐改甯晉。方輿紀要。胡盧河在甯晉縣東南二十里。卽禹貢大陸澤。俗所謂甯晉泊者也。畿輔地圖記。大陸澤在任縣鉅鹿隆平甯

江北運程

卷八

三

晉一帶。蓋河經大陸之地。潞而爲澤。其廣袤如此。今鉅鹿平鄉深州東鹿皆成平陸。止任甯二邑。又分爲二南泊。在任北泊在甯晉。其在甯晉者三倍於任。而大陸澤之名獨歸於任。殆流俗之訛也。以上南泊。畿輔通志言甯晉泊一名胡盧河。在甯晉縣東南。自隆平縣流入。又東北入冀州界。舊志在縣東南二十里。東西徑三十里。其上流卽漳水與滏水合流。會大小羣川注此。土人稱爲甯晉泊。卽北泊也。汶

河。入泊。洽河。匯汶河入泊。沙河。卽泚河入泊。洹河。入泊。槐河。入泊。午河。入泊。李

陽河。詳上。陸澤。七里河。今與泊混爲一。滏陽河。安瀾志言往時滏陽河挾漳河至任縣復

會豐洛百泉諸水入大陸澤。貫澤而去。過隆平。達於甯晉。泊自萬厯中。漳河泛濫。由曲周入滏陽河。滏陽河亦決而東徙。不復與洛。豐諸河會。云云。今則滏不入泊。滏轉爲受泊之地。昔之滏貫泊者。今則泊入滏矣。通志紀入泊諸水。列滏陽河。蓋據咸入焉。自滹沱河南徙。由賈家口而入。淤未徙以前言也。

塞滏河故道三十餘里。水無所洩。遂衝決。凌口營上。等村而東注。水口河身亦多淺溢。雍正三年。滹沱東徙。不復入泊。四年。怡賢親王奏請開挖。自黃兒營至營上村。一路展

寬濬深。泊水始得暢洩。畿輔安瀾。志言甯晉泊在甯晉東南二十五里。亦卽大陸澤也。一名胡盧河。一名北泊。

明統志胡

盧河在甯晉縣東南。自順德府流。逕任縣。至此匯爲澤。卽大陸澤。明史地理志甯晉東南有胡盧河。其上流卽漳水。

江北運程

卷八

五

也深冀羣川悉匯於此。方輿紀要周禮職方冀州藪曰楊紆水。經注卽大陸澤。或曰古有楊城澤。紆回城下。因曰楊紆。漢置楊屯縣。後改爲甯晉縣。縣東南大陸澤。呂氏春秋九藪。趙之大陸其一也。酈道元以爲卽楊紆藪。亦謂之薄落水。亦謂之廣阿澤。今澤東西逕三十里。卽漳水也。自順德府南。和任縣達隆平。而東北。匯大小羣川。以注於縣境。而趙州西境及滹沱河以南。諸水亦悉東南流。至縣境而匯。爲大澤。每至夏秋之交。霖潦爲患。則漳水滹沱南北交注。泛濫甚廣。東注深冀二州。及阜城獻縣。以東至交河縣。而合於滹沱。丁度曰。胡盧河。橫漳之別名也。在深冀間。橫互數百里。冀北之大川。此其最矣。郡志正德十一年。漳河由縣南徙。明年滹沱河由縣北徙。蓋前此皆匯於胡盧河。至此復分引入泊之河。逕入泊者凡六。一新豐河。出順而南北出也。轉相入者。凡六。一新豐河。出順

邢臺縣之百泉河。卽南豐河北豐河也。詳見大陸澤篇。其名新豐河者。由明嘉靖中。重爲疏濬故也。自大陸澤北流五里。逕崔家橋。入隆平縣東南境。又北流五里。至舊一泆城村東。又北流二十二里。逕羊毛坨塔。入於甯晉泊。

河。其源有二。一出臨城縣西七十里之敦與山下。東流二十里。逕三峽村。與臨城之水會。二水合而東流。三里逕東豎村。則有天臺寨水入焉。又東南流四里。逕柏楊村。是名三斷。緣楊河。則有乞了山水入焉。又東南流。逕臨城西。又東南。逕城南五里。則有八里溝水入焉。又東南流。逕盤山。又東南。逕西尹村。仍入於內邱縣東南境。逕東尹村。俗名尹村河。又東北二十里。入唐山縣西北境。俗名脂溝。又名沙河。又東北流。逕小干言村。又東流。逕唐山縣城北。又東流。逕宣罄山。又東流。逕官莊。入隆平縣西境。又東北流。逕五里。逕隆平縣城北。又東北流。逕二十里。逕王家莊。入於甯一午河。源出臨城縣五里泥河村之北岡。亦太行支山也。岡下東流。逕二十四里。逕鎮內村。入柏鄉縣西南境。東南流五里。逕柏鄉縣故城南。又東南流。十里。逕柏鄉縣城南。又折而北流。一里。環城為濠。又折而東流。十二里。逕南滑村。北滑村。入隆平縣西北境。又東流。二十里。逕黃家莊。入甯晉縣東南境。入於甯晉泊。沛河。出贊皇縣西六十里之小石門。贊皇山別阜之麓也。一名石濟水。一名白溝水。一名沙水。北流十五里。逕

江北運程

卷八

胡家庵。又東南流二十五里。逕贊皇縣南十里。又東流四十里。逕王俄村。入高邑縣西南境。又東流四里。逕房子。故城北。又東流四里。逕千秋臺北。又東流三里。逕高邑縣城南。又東南流十二里。逕莊頭村。入柏鄉縣西北境。俗謂之槐河。其分支自莊頭村東。逕光武廟白社村。警兒村。中黃泥。入於隆平縣之西南境。其正支又東南流十二里。逕柏鄉縣城北。西北。其分支南流。會於城濠。其正支又東流。逕柏鄉縣城北。又東流十二里。逕共滑村。入隆平縣西北境。又東流二十里。逕黃家莊。入甯晉縣西南境。則有新挑河。自高邑縣西北。東南流入焉。又東流至北魚村。入於甯晉泊。一槐河。古沮水也。源出贊皇縣西北七十里黃沙嶺。亦名。亦名槐武河。亦名沙河。亦名泚河。自黃沙嶺下。至黃沙嶺。口東流。至堵戶村。河形湮廢。幾不可識。自堵戶而下。合野狐泉。泥橙口。段嶺口。諸水。河流始顯。東流。逕贊皇縣城北。五里。又東流十里。逕東高村。入元氏縣西南境。又東流。逕紙屯村。泚水自封龍山東南流來。匯自下槐水。泚水俱得通稱矣。又東流。逕元氏縣城南。逕大陳村。入高邑縣西北

境又東南流逕高邑縣城南十四里又東南流逕河頭村入趙州西南境土俗名之日沙河又東南流逕野雞鋪又東南流逕南封村入甯晉縣西北境是名槐武河又一汶東流逕甯晉縣城南又東流至大曹莊入於甯晉泊一汶源出正定府獲鹿縣西南五十里井陘山一名童水東流逕封龍山北則有金河會新渠水東南流入焉又東流逕高遷村北沙河東流入焉又東南流逕牛家莊入欒城縣西北境又東南流逕趙莊元氏縣之南沙河東南流入焉又東南流逕新莊元氏縣之金河泥溝河東流入焉又東南流逕龍門村入趙州西北境又東南流四里元氏縣之豬龍河東南流入焉又東南流二十里逕邢村井陘縣之冶河東南流來匯又東南流二十里逕趙州城南五里又東南流二十里逕汶洋村入甯晉縣西南境又東流十二里逕甯晉縣城南其分流甯晉渠古名新渠又東南流十四里逕東汪環泊之村十七日趙莊南丁曹汪村鋪村入於甯晉泊

頭村小河口史家嘴馮家臺孟家莊新立莊耿家莊南魚

江北運程

卷八

三

莊北魚莊張家莊魚灘頭賈家莊邱莊大曹莊泊中村九

明言村九而下祇列八名原漏其一曰宋家莊曹家臺郭家莊趙家臺魚家

臺劉家場徐家河王家莊又七里河在甯晉縣南二十五

不可考志以爲槐午諸河之下流蓋洩泊水而注之滄陽

河者自滄陽河東徙七里河與泊混而爲一僅有其名矣

新挑河雍正五年起自甯晉泊南泊口爲灋河出泊之路

亦洩河入泊之路也引泊水達於滄河東北流十二里逕

東侯高村入於滄陽河引河新挑河支流也雍正五年開

分洩水於滄陽河者也西起自鄧家口東北流四里逕凌

口村入於滄陽河謹案昔年任縣隆平水漲自張家口注

甯晉泊俗呼爲南水明隆蒿間南水六月至七月由七里

河口歸滄陽八月種麥明年麥熟後水又至田不冀而肥

如是者百餘年至崇禎時大旱南水遂絕本朝順治二

年南水復至如初辛丑夏南水突至遂成湖沼蓋自滄沱

南徙由賈家口橫絕滄水於是七里河淤爲平田泊水無

歸盜之路爲害滋甚。後濬沱北徙東鹿復於泊中開水口數處。極南爲史家嘴。口極北爲侯臯村。口兩水口衝流日久。漸有成河之勢。畿輔通志甯晉泊恃溢陽河洩水。自七里河湮塞。泊無歸溢之路。往往漂溢爲患。舊時史家村侯臯村二處雖有水口。尙多淺隘。雍正四年興修水利於凌河。營上等村濬水口。使淺隘之處盡爲寬深。復築小隄以濬水之外入。設斗門以節水之內出。由是積潦消而汙萊變爲沃壤矣。考昔時漳溢匯流貫大陸澤。甯晉泊北出自漳水。斷流溢會行其故道。及溢河東徙泊內故道。又惟濬獨行。今南豐之貫大陸澤者。河形尙著。北豐之貫甯晉泊者。河形亦漸就湮。又不獨一七里河已也。甯晉泊在溢陽河之西岸。下游由

七里河新挑河入溢。自乾隆五十三年廣陽隄廢。濬水南來。挾沙而行。將溢河下游正身淤塞。連年南徙。遂將北泊

淤爲平地。嘉慶六年大水。愈淤愈高。渾水倒漾。不能抵泊。

江北運程

卷八

五

濁水漫溢入溢。溢河下梢不通。無路宣洩。遂將東岸隄堰

冲決。水趨東岸民田。自六年以後。連年汕刷。已成河形。總

督溫承惠奏將已成河路之處。就其深淺分別挑挖。使水

有歸宿。民業乃安。

溫承惠奏畧。溢陽河發源磁州經邯鄲。永年曲周平鄉任縣。隆平至甯晉之黃

兒營大營上村與濬水合流。至天津以入於海。爲長蘆運鹽。至正定順德廣平趙州等屬十餘州縣。行銷要道。雍正年間在正定府屬之藁城縣廣陽村築隄一道。名曰廣陽隄。綿亘數十里。以防濬水南徙。乾隆五十年間廣陽隄工漸次坍塌。跌成深坑。難以修復。濬水漸向南趨。嘉慶四年六七月間。濬水異漲。致將甯晉縣交口冲決。淹及河東邱頭冀州高田等村。其甯晉之大營上村一帶。河槽俱被淤塞。不通舟楫。嘉慶五年前督臣胡季堂奏請動項一萬六千餘兩。借與眾商。責令前任清河道喬人傑駐工。將大營上村一帶挑挖深通。未及一年。仍復淤阻。近年因冀州新

河甯晉隄工俱有漫口通連甯晉泊鹽艘商船皆由冀州之柏牙莊新河縣之大田莊甯晉縣之侯家口等村挽入甯晉泊前進河泊相連積潦難涸隨專委清河道胡鈺前往逐細履勘據稟廣陽隄殘廢已久僅存隄形勢難修復黃兒營大營上村一帶故道相距滹水甚近水稍泛漲卽致淤塞查看大營上村橋高丈餘現俱淤平不惟挑挖不易工費浩繁卽挑濬深通一經滹水挾沙而來仍屬無益傳集沿河民人細爲詢問僉稱甯晉新河冀州三處水占七十餘里旣不能涸出耕種情願讓出挑挖以利舟行臣查廣陽隄工人經殘廢歷任委員查勘僅存隄形卽費用數十萬金再行修復而滹水湍激亦難保不再有沖決隄旣難復則黃營兒一帶滹水所至動至淤阻卽歲歲挑挖亦屬無益自不能不另籌運道以利民生今冀州甯晉水淹民地通連甯晉泊嘉慶六年以後連年汕刷已成河形所有民船並正定廣平順德趙州等處鹽船俱由此行已屬便利舍此別無可通之路自應將耿家莊等處分段挑挖成河俾商艘民船不致阻滯謹案胡盧河之名前此未之有也五代史

江北運程

卷八

卑

周廣順二年契丹將高謨翰以葦筏渡胡盧河至冀州周兵屯貝州以拒之又顯德二年時契丹屢寇河北輕騎深入會無藩籬限其奔突因命王彥超等督兵民濬胡盧河宋史河渠志胡盧河源於西山始自冀州新河鎮入深州武強縣與滹沱河合其後變徙入於大河淳化二年從河北轉運司請自深州新砦鎮開新河導胡盧河凡二百里抵常山以通漕運後廢金史地理志信都縣有胡盧河此胡盧之名所始也其稱北泊者蓋因大陸澤爲南泊故此名北泊中又自分東南北則在澧河西北者曰北泊在東

者曰東泊。在西南者曰南泊。總謂之北泊。其稱甯晉泊者。以其在甯晉而稱之。畿輔通志以爲土人之稱是也。考通典元和志。皆以大陸澤在邢深冀三州之地。則胡盧河亦卽古大陸澤之地。澤流通塞廣狹古今不同。以一大陸澤而分爲二。後世於是又有胡盧河之名。第紀要所引水經注。楊紆之文。今本無之。或是逸文。未知何據。考周禮職方冀州。其澤藪曰楊紆。爾雅。秦有楊陰。郭璞注。今在扶風汧縣西。邢昺疏。周禮冀州云。其澤藪曰陽陰。漢志引爾雅作楊紆。則陰紆通也。鄭注云。所在未聞。又雍州云。其澤藪曰弦蒲。鄭注云。在

江北運程

卷八

四

汧縣。然則周禮弦蒲卽此楊陰也。則是爾雅之楊紆。信在秦而周禮之楊紆。仍未詳也。楊紆旣卽爲弦蒲。則周禮有弦蒲。又有楊紆。不已複耶。且爾雅明云。晉有大陸。秦有楊陰。郭璞注以大陸爲今鉅鹿廣河澤。則大陸澤。楊紆藪。定分爲二。是皆不能強爲之說者也。乃諸志以胡盧河大陸澤。廣河澤。楊紆藪。薄落津。俱并爲一水。何太無別也。冀州之楊紆。在漢時且未詳所在。今乃欲以胡盧河實之。其不足據。不待辨而明也。又甯晉縣志分大陸澤。胡盧河爲二。謂胡盧河原在大陸澤中。非謂胡盧河卽大陸澤也。或取

其說謂漳滏滹沱古者皆入大陸澤。諸書既皆以胡盧河爲漳水下流。則其不得與大陸澤混稱明矣。故謂甯晉泊爲胡盧河者誤也。則似大陸澤甯晉泊外別有一胡盧河。且似胡盧河已爲大陸澤所并。而今之甯晉泊竟不知於古爲何水矣。可乎。古今水道變遷。名亦代有改易。胡盧河甯晉泊皆爲後起之名。惟大陸尙仍舊稱。是在古時止有。一。大。陸。澤。後。分。爲。二。乃。名。胡。盧。河。亦。名。甯。晉。泊。耳。卽。以。今。之。甯。晉。泊。爲。古。之。大。陸。澤。亦。無。不。可。而。以。爲。楊。紆。藪。則。雖。有。水。經。注。逸。文。未。敢。徵。信。也。又。案。方。輿。紀。要。於。阜。城。則。云。

江北運程

卷八

聖

胡盧河在縣西北七里。卽衡漳之別名。

安瀾志漏漳之別名四字此據方輿

紀要原文補入

自晉州武強縣流入境。於景州則云。胡盧河在州

東北。其上游自阜城縣東北流入東光縣。又一統志。衡漳故道遷流無定。唐宋以來。雖有長蘆胡盧之異名。實皆漳水下流也。今漳水上流東徙。逕魏縣元城抵館陶入衛。僅分一小支由廣宗至新河與滏合。滏水會衆流由甯晉泊

而出。至冀州合滹沱河東注。謂之胡盧河。並不得以漳水

目之矣。

廣宗縣新漳河於康熙二十三年斷流不復逕順德府境。滏自明萬厯間東徙不復入甯晉泊。一統

志所言蓋猶是昔時之形說者以此又謂古者漳滏合流而入甯晉泊

自甯晉泊而下乃爲胡盧河。則甯晉非卽胡盧河。周顯德
宋熙甯所濬。河渠志熙甯八年發夫治胡盧河。皆在深冀景滄數州之境。

非濬甯晉泊也。安得混而爲一。其說亦似也。第據宋史河

渠志。胡盧河源於西山之文。則胡盧河別有其源。何得云

漳溢下流。且所云西山。不在甯晉泊西乎。貫泊者爲胡

盧河。而泊又爲何水耶。泥於名稱。拘於今古。非觸卽背矣。

要之大陸爲禹貢河流所過之地。其爲廣大可知。故深冀

景滄之間。皆有胡盧河。而其源則直自西山衆水匯流而

成。今胡盧河下流已不可考。而甯晉泊則固胡盧河所從

江北運程

卷八

壘

出也是甯晉泊實胡盧河何疑。又或以胡盧爲薄落之訛。

或以爲卽長蘆之別名。或以爲卽古之泚湖。水經注。漳水

又歷經縣故城西。水有故津。謂之薄落津。又云。衡水分爲

二水。一北出逕堂陽縣故城西。其右水東北注。出石門。謂

之長蘆水。又云。太白渠水。東南流。謂之百尺溝。百尺溝水。

東南散流。逕歷鄉東。而南入泚湖。東注衡水也。豈得皆以

胡盧河疑之。皆所不取。又案。漳溢合流。在曲周縣境。溢陽

河。舊自任縣。大陸澤。會豐河北流。貫甯晉泊。而出嘉靖間。

發眞定順德民夫萬人濬新豐河。卽溢豐會流入泊之上。

流處萬厯間。滏河東徙。於是洩大陸澤於甯泊。泊者惟新
豐一河。至滏河貫泊而出。則滏卽洩泊之河口。大而流暢。
今惟以新挑一河洩泊於滏。滏反爲受泊之地。口窄而流
滯。腹大而尾閘小。於是泊與滏交病。隆平甯晉冀州常不
免於水患矣。以上北泊畿輔通志又言南北二泊。正定廣平順
德三府之水會也。西帶重山二十餘河之水。建瓴而下。每
遇伏秋急流飛雨。若無二泊爲之翕受節宣。其奔衝橫溢
爲何如哉。故南之有南北二泊。猶北之有東西兩淀。皆治
水者所當加意也。滹沱嘗入北泊。塞河口而環泊州縣受

江北運程

卷八

四

漲溢之害者多年。漳河合滏。溷入南泊。而穆家雞爪等河
塞。遂至中滿旁溢。任縣隆平坐受其浸。今幸滹漳遠徙。然
二水故瀆尙存。濁流遷徙靡定。旣可不祛而去。詎難不引
而來。且前明之世。有障滹沱而歸甯晉以爲故道者。有請
濬穆家口俾漳滏會流者。或暫免一方之害。或微規目前
之利。而不知統計全局之利害。其貽患不僅在一時也。故
謹著之。又按入泊諸水。自滾豐牛尾百泉聖水等河恆流
不竭外。其餘春夏多枯涸。然前人載之圖誌。設有橋座。蓋
以攝水歸泊也。雨集山漲。由此脈分縷析而注之大泊。田

無宿潦。其爲功也大矣。有司不知濬治。反聽民占種。一旦山水暴來。奔騰四野。大爲田害。雍正四年。怡賢親王奏明。委員查勘疏通。五年。復檄地方官隨宜濬治。毋任湮塞。而有司不知奉行。八年秋。雨多水溢。環泊十餘州縣。皆罹其災。上廩。

聖懷發帑賑濟。過後官民晏然。不以爲事。昔陸隴其爲靈壽令。令民挖濬衛河。其始頗有怨言。以爲開無水之河。徒勞民力。隴其不顧。卒成之。已而霖雨。水大至。賴此河宣洩。至今民猶懷之。此賢達之遠見也。以上通言南北二泊。備識於此。以資考鏡。

江北運程

卷八

聖

又按此卷下卽入東境。爰仿先經起義之例。采錄陸朗甫耀山東運河備覽所載運河圖說。以挈東境全河之領圖。說言。山東運河自江南下邳梁王城五里至黃林莊入嶧縣境。是爲牯河之始。嶧縣河道南自黃林莊起。北至滕縣朱姬莊止。計長一百里。牯九曰臺莊。曰侯遷。曰頓莊。曰丁廟。曰萬年。曰張莊。曰六里石。曰德勝。曰韓莊。滕縣河道南自嶧縣界朱姬莊起。北至江南沛縣界劉昌莊止。計長四十七里。牯曰彭口。沛縣河道南自滕縣劉昌莊起。北至魚臺縣界王家口止。計長四十八里。牯三曰夏鎮。曰楊莊。曰

珠梅屬兗州府泇河同知管轄計長一百九十五里魚臺縣河道南自沛縣界王家口起北至濟甯州四里灣交界止計長八十五里牖三日邢莊曰利建曰南陽濟甯州河道南自魚臺縣四里灣交界起北至五里營之東濟甯衛交界止計長七十五里牖九曰棗林曰師家莊曰仲家淺曰新牖曰新店曰石佛曰趙村曰在城曰天井又有月河三牖曰下新曰中新曰上新濟甯衛河道南自五里營地東濟甯州交界起北至曹井橋地北鉅野縣交界止計長一十八里鉅野縣河道南自濟甯衛曹井橋地北交界起

江北運程

卷八

嬰

北至嘉祥縣大長溝地南交界止計長二十五里牖一曰通濟嘉祥縣河道南自鉅野縣小長溝地北交界起北至汶上縣孫村交界止計長一十六里汶上縣河道南自孫村嘉祥縣北界起北至靳家口東平州南界止計長五十里牖五日寺前鋪曰南旺上曰南旺下曰開河曰袁家口屬兗州府運河同知管轄計長二百七十五里東平州河道南自靳家口上接汶上縣河道北界起北至東平所南界止計長十八里牖一曰靳家口東平所河道南自東平州河道北界牌起北至安山牖接東平州河道南界止

計長十二里。在東平州河道之內。又接東平州河道。南自安山。牯接東平所河道起。北至戴家廟。牯下三空橋。壽張縣南界止。計長三十里。牯二。曰安山。曰戴家廟。壽張縣河道。南自東平州界。戴家廟。牯下三空橋起。北至沙灣。鋪接東阿縣南界止。計長二十里。東阿縣河道。南自沙灣。鋪接壽張縣北界起。北至五里鋪。接陽穀縣南界止。計長十五里。其隄岸北自陽穀縣河道。荆門。牯上紅廟起。南至沙灣。鋪止。安平鎮居其中。安平卽張秋。係陽穀壽張東阿三縣地。陽穀縣河道。南自五里鋪。接東阿北界起。北至官窯口。

江北運程

卷八

望

鋪接東昌府聊城縣南界止。計長六十里。牯六。曰荆門上。曰荆門下。曰阿城上。曰阿城下。曰七級上。曰七級下。屬兗州府捕河通判管轄。計長一百五十五里。聊城縣河道。南自陽穀縣界官窯口。鋪起。北至堂邑縣界西岸梭隄。博平縣界東岸呂家灣。鋪止。計長六十三里。牯四。曰周家店。曰李海務。曰通濟橋。曰永通。內有東昌衛收并平山衛河道一段。僅三里。地名南龍灣。北自本營界牌起。南至鄧家樓界牌止。係在西岸堂邑縣河道。南自聊城縣界梭隄起。北至清平縣界涵谷洞止。計長三十五里。係西岸一邊。與博

平縣對岸。其河道截分一十七里半。內牖二。曰梁家鄉。曰土橋。博平縣河道。南自聊城縣界呂家灣鋪起。北至清平縣界魏家灣池南田家口止。計長三十五里。係東岸一邊。與堂邑縣對岸。其河道截分一十七里半。德州衛收并左衛南河河道。計長六里。在清平縣河道之內。清平縣河道。南自博平縣界魏家灣池南田家口起。北至臨清州界二十里鋪止。計長三十九里。牖一。曰戴家灣。臨清州河道。南自清平縣二十里鋪起。北至直隸清河縣界鹽店止。計長四十里。牖二。曰甄牖。曰板牖。屬上河通判管轄。計長一百七十七里。清河縣河道。南自臨清州界鹽店北半壁店起。北至夏津縣界孫家口止。計長二十里。夏津縣河道。南自清河縣界孫家口起。北至武城縣界橫河口止。計長二十七里。武城縣河道。南自夏津縣界橫河口起。北至故城縣界冷家墳止。計長一百四十六里。故城縣河道。南自武城縣界冷家墳起。北至恩縣界孟家灣止。計長一十六里。恩縣河道。南自故城縣孟家灣起。北至德州界曹家口鋪止。計長一十二里。德州河道。南自恩縣界曹家口鋪起。北至德州衛下八里塘止。計長一十五里。德州衛河道。南自德

州界下八里塘起北至直隸吳橋縣界降民口鋪止計長

八十九里德州左衛河道夾在德州衛河道內計長一里

有奇內除清河故城河道割屬直隸餘俱屬下河通判管

轄計程三百二十五里內有清河故城河道三十六里陸

書序次自南而北圖說亦然張伯行治河議論山東會通

居濟一得文內所稱癸未甲申則康熙之四十二年也

並錄於此言善治水者為其水大而不能治之使小水小而

能治之使大也水大而不能治之使小所以除水之害也水

小而不能治之使大所以資水之利也然古之治河也易今

之治河也難古之治河止以除水之害今之治河兼以資

水之利惟其止以除水之害故禹之治水使水以四海為

壑而已無餘事惟其兼以資水之利故不得聽其以海為

壑必使之曲折迴旋致其水為有用之水而其餘乃歸於

江北運程

卷八

吳

海也此善治水也若竟聽其以海為壑則不得資水之利

矣然使曲折迴旋致其水為有用之水而其餘不使之歸

海則資水之利而究不免受水之害烏觀所謂善治水者

乎國家歲漕東南數百萬以實京師所藉者會通河一

綫之水方其早也運道乾涸而漕病及其潦也潰溢衝決

民病而漕亦病所貴乎善治水者使水不至於甚大而隄

岸無漫溢之虞民田免淹沒之患使水不至於甚小而運

河不至於淺涸糧艘不至於艱阻斯已矣何今之不然也

予於癸未受治河之職適遇雨潦隄岸在在漫溢民田處

處淹沒而予兩次監收截留漕米無暇計及於河是水大

而不能使之小也予之職有所未盡也迨至甲申又遇亢

陽河水處處淺涸糧艘在在艱阻而予極力設法多方處

置糧運幸得無誤是水小而不能使之大也予之職又有

所未盡也予夙夜兢兢日求所以無負是職者而不能乃

博極羣書考古人治河之方又徧歷河干觀古人已然之

蹟乃知尚書宋禮分水南旺其法雖善而猶有所未盡考

元李惟明改作東大牘記畧曰昔汶不通洸國初歲丁巳

濟停奉符畢輔國請於嚴東平始於汶水之陰堤城之左

作一斗門遏汝水入澆至任城汝由是有南入泗淮之派後都水少監馬之貞又於其東作雙虹懸門牖虹相連屬分受汝水既又以虹石易圯乃改其西虹爲今牖制通謂之東牖謂輔國所作斗門爲西牖西牖後改作北高水不能入獨東牖受水汝水盈縮不常歲以秋分役丁夫採薪積沙於二牖左絕汝作堰約汝水三之二入澆至春全遏餘波以入霖潦時至慮其衝突則堅閉二牖不聽其入水至徑壞堰而西循故道入海故汝之堰歲修延祐五年改作石堰五月堰成六月爲水所壞水退亂石齟齬壅沙河底增高自是水歲溢爲害至元四年秋七月大水潰東牖突入澆河兩河罹其害而澆亦爲沙所塞非復舊河矣初之貞爲沙堰也有言作石堰可歲省勞民之貞曰浹魯之大川底沙深闊若修石堰須高水平五尺方可行水沙漲淤平與無堰同河底填高必溢爲害縱竭力作成漲濤懸注傾敗可待晉杜預作沙堰於宛陽遏白水漑毋闕則補之雖屢勞民終無水害固知川之不可塞也且日後人勿聽浮議妄興石堰終困其民壅遏漲水大爲民害重修堦城垣因自作記勒其言於石至是果如其言牖壞岸崩碑

江北運程

卷八

辛

沈於水爲土石所壓是年九月都水監馬兀公來治會通河行視至堦城謂眾曰堦城澆汝之交會通之喉襟牖壞河塞上源要害役有先於此者乎於是用前監丞沈溫公闢爲一大牖之議命壕寨官梁仲祥李讓計徒庸度材用量事期以狀上中書詔從其請明年二月命工入山取石煨灰市物於有司經營揆度畫圖指示以舊址敞於屢作改卜地於其東掘地及泉降汝河底四尺順水性也始事於五月七日畢役於九月十日牖既成眾合辭請公願識其事於石屬筆於予予復之曰汝古名川昔畢公馬公用之則爲轉漕之益爲漑灌之利後人用之則有橫潰之憂有墊溺之患水性非異今昔蓋用之善不善也馬公既善用之又碑其言以示來者其慮後也深矣不有茲役曷彰馬公之識其言已驗碑仆於水而改作石堰之碑尙存豈天忌馬公之言有以先發其機耶將使後人獨受其害而不蒙利耶惟是役也雨暘時若漕運無愆天其或者悔禍於人俾憶馬公之言乎旣不獲辭遂爲敘導汝始末會通源委以見堦城牖水利喉襟且表出馬公之言以爲鑒觀於此記知堦城之宜牖則知戴林之宜牖矣知沙坻之爲

善則知石垣之爲不善矣又李惟明濬泚河記畧曰至元六年監丞宋公委塚寨官岳聚統奉符汶上二縣夫六千餘濬泚河底闊五步上倍之深五尺未閱月工畢而深固堅完泚河既濬宜令牖司嚴飭牖板謹杜牖口絕塞沙源勿令流沙上漫入泚俾泚常受清水以輸注南北役牖似繁濬泚實簡此源潔流清而永益也不然以歲益無窮之汶沙注新濬有限之泚河數年之中恐淤墊有甚於今日者矣梗漕勤民將不勝淘濬之患觀於此記則知牖之可以納清流而避淤沙司牖者宜嚴而不司或忽也明商輅堽城垣記畧曰成化庚寅工部尚書郎張君克謙奉命治河歷觀舊迹首修金口堰以石易土不數月告成乃日斯堰既修堽城堰亦不可已又以堽城舊址河闊沙深艱於用力乃相西南八里許其地兩岸屹立根連河中堅石縈絡比舊址隘三之一於此置堰事半功倍矣已九月望日興事儲材聚料百物咸備明年春三月命工淘沙鑿底石掌平底之上登石七級每級上縮八寸高十有一尺中置巨細石糞菰米爲糜加灰以固之底廣二十五尺面用石板登二層廣一十七尺袤一千二百尺開登口七各廣十

江北運程

卷八

至

尺高一尺置木板啟閉遇水漲啟板聽從故道西流水退閉板障水南流以灌運河茲堰東置牖爲二洞皆廣九尺高一尺中爲分水一旁爲雁翅二亦用板啟閉以候水消漲漲則閉板以障黃潦消則啟板以注清流洞上覆以石石之兩旁仍登石高一十有八尺中實以土與地平俾水不致南侵泚河免於沙淤觀於此記建石堰則開登口七置板啟閉水退閉板障水南流以灌運河水漲啟板聽從故道西流是水去而沙亦與之俱去自無河底墊高水溢爲害之患矣修石牖亦用板啟閉水漲則閉板以障黃潦消則啟板以注清流自無沙淤運河歲歲挑空之患矣此古人制度之盡善可法而可傳者也何尙書宋禮之改河猶未深察乎此也改河南旺分水南北以濟漕運禮之功也不修石牖相時啟閉任水南流以致運河沙淤歲歲挑空遂貽山東無窮之害禮亦有不得辭其咎者矣然在改河之初不過數丈水之入鹽河也順而赴南旺也逆且築垣戴村而留坎河口以備分洩坎河口止歲築沙堰一遇水漲盡皆衝去故水之趨海也多而至南旺也少山河運河兩岸之州縣猶未爲大害也迨其後河日刷寬其

赴南旺也易而入鹽河也難萬恭又壘石爲灘潘季馴復築石爲堤壘二公者獨未聞焉之真之言乎抑未覩張克謙壘城堤壘城牐之制乎何至今日而沙填河底水溢爲害遂使馬公之言若左券也夫汶河之水原由坎河口入鹽河以達於海是以海爲壑者也自石堤既築而於石堤之北又高築土堤遂使水不得歸海而盡趨南旺以運河一綫之渠豈能容汶河泛漲之水慢決橫潰敗壞民田勢所必至是水不以海爲壑而直以山東運河兩岸之州縣爲壑也且不獨以山東運河兩岸之州縣爲壑而並以直隸江南運河兩岸之州縣爲壑也張純守戴村堤論畧曰每遇水潦須決坎河口以殺之殺之不足則開滾水堤又不足則開減水諸牐或披之入海以分其勢或蓄之入湖以納其流微則盡塞令餘波悉歸於漕是決坎河口之宜急在昔已然初不以既有滾水堤而遂不開坎河口也乃今則不決坎河口矣且於坎河口高築土堤矣以故每逢水潦先淹汶上積水既高一遇衝決並淹東平且南而濟甯魚臺鉅野嘉祥以及江南之徐州沛縣等處北而東昌臨清以及直隸之清河故城等處皆所不免又何怪乎民生之受害無窮也夫昔日之守堤也守戴村堤則決坎河口此古人之神明變化妙運於一心者也今之守堤也守戴村堤而並守坎河口此後人之執泥悖膠固而不通者也或曰坎河口石堤亦足洩水矣安在水之不歸於海也不知坎河口石堤僅百十丈耳以數百丈之汶河而僅恃此百十丈之石堤以洩之且高出三尺而後洩之其所洩亦有限耳安能殺汶河之勢哉由此觀之是汶上鉅野嘉祥濟甯滋陽魚臺滕縣嶧縣以及江南之沛縣徐州邳州連被水災者一由於汶河隄岸不修之故一由於戴村堤入運之汶河太寬也查甯陽汶河南岸有石梁口最稱險要一遇衝決先淹甯陽次及汶上濟甯滋陽又次及鄒縣魚臺滕縣嶧縣而後至江南之沛縣徐州邳州是此十數州縣之所以被水者歷來皆由於石梁口也至康熙四十二年爲害更烈而汶河南岸之衝決者又不止石梁一口也又有桑家等口俱被衝決所以淹沒之慘較昔倍甚去歲已飭堵築今年雨水稀少河水又無大漲幸未衝決然而不可恃也昨往巡視見隄甚單薄且係頂衝而離隄數十丈內有高阜之地可以加築越隄又見石梁口

上下隄岸殘缺甚多若於石梁口加築越隄再於桑家等口堵築堅固於沿河一帶隄岸加幫高厚則山東以及江南之諸州縣可永無水災矣夫堵築石梁等口加幫汝河隄岸非有浩大工程難以奏績也爲費無幾而造福無窮若因循不辦迨至衝決卽欲補救而已無及直至十數州縣被淹之後而始行堵築則何益哉何言乎戴村壩入運之浚河太寬也查南旺分水口往南例係三支往北係七支是合南北運河而總計之不過十丈寬耳而戴村壩之汝河乃有數百丈寬以數百丈之汝河而盡注於十丈寬運河之內欲其不衝決隄岸汎溢民田也得乎所以一經汎溢而汝上先被其害次及鉅野嘉祥濟甯魚臺滕縣嶧縣漸至江南之沛縣徐州邳州均受其害矣查宋尙書既分水南旺築壩戴村留坎河口不堪者所以備分洩也故遇伏秋水大則決坎河口以殺之殺之不足則開滾水諸壩又不足則開減水諸壩蓋以運河之水止取足以濟運餘水令由鹽河下海所以運河隄岸無衝決之虞民田免淹沒之患載在全河備考昭然可查今則伏秋水漲不決坎河口分殺水勢且於坎河口高築隄岸僅恃百丈之石

壩以洩之洩水能幾何乎坎河口不能洩水勢必盡趨於南旺泛溢於運河衝決隄岸淹沒民田先淹汝上次及鉅野等十數州縣不此之圖乃欲開忙生牐及馮家大壩夫欲開忙生牐及馮家大壩者將欲使汝上竟不受淹乎抑欲使鉅野等十數州縣同汝上一併受淹乎若使汝上竟不受淹則開此牐填誠有益矣而必不能也若使鉅野等十數州縣同汝上一併受淹何不仁之甚乎且馮家滾水大壩所以障蜀山湖之水非以洩蜀山湖之水也特水大有餘則洩之耳故無論馮家大壩不當開卽利運牐亦不當開也無論忙生牐不當開卽十字河亦不當開也何也水宜洩於北而不宜洩於南也南固未嘗乏水也竊聞從前一遇伏秋無論水之大小輒開利運牐十字河將水盡往南放北河一帶每遇天旱糧船卽爲淺阻而濟甯魚臺等處無論旱潦田沈水底數十年不能耕種余到任後聞之駭然往來相度形勢始恍然悟曰此皆由開利運牐十字河之故耳乃嚴飭河官不許開利運牐十字河又差人專守利運牐使水不得南行差人守柳林牐板盡啟十里牐板放水北行且開八牐月河以放微山湖及昭陽湖南

陽湖之水所以北河無淺阻之虞而濟甯東南魚臺等處之田盡皆涸出不知者猶曰今年天旱故田地得以涸出獨不思諸處田沈水底已經十數餘年豈從前十數年來盡屬兩潦之年乎何不亮之甚也夫欲開忙生牯及馮家大垣者不過洩汶上之水以淹鉅野等十數州縣耳夫欲救汶上者當使汶上之水不淹不當使汶上先受其害而並使鉅野等十數州縣均受其害何如不淹汶上而鉅野等十數州縣均不受害之為得乎然果何以能不淹汶上乎查汶河之水當未有南旺漕河時原由坎河口入鹽河下海者也自宋尚書用白英之言築戴村埧以遏汶水又往南開支河一道引汶水以達南旺分流濟運夫宋尚書開河之始不過數丈寬耳以數丈寬之河引水以達南旺汶上何由得淹乎汶上不淹而鉅野等十數州縣又何由得淹乎自數百年以來此河日刷日寬逮至今日不啻數百丈矣以汶水全河之勢而盡趨南旺此運河之所以受害而民田之所以被淹也善哉潘印川之言曰治河者無一勞永逸之法止有補偏救弊之法則於今日而施補救之術惟存

江北運程

卷八

蓄

仿瑛城腫埧之制建石腫石埧乃爲萬全但工程浩大一時難成其次莫若先於戴林淡河兩岸築土埧埧裏頭中留三十丈口門引汶水達南旺濟運餘水俱由鹽河下海俟石埧修完將此三十丈亦行堵閉如是則蜀山南旺二湖不致盈溢忙生牯馮家埧俱不必開不惟汶上不被水災而鉅野等十數州縣均不受害矣或曰餘水俱由鹽河下海東平州獨不慮淹沒乎予曰東平州原有鹽河兩岸隄工日久傾圯河底淤高所以邇來屢被水災今將兩岸隄工加幫高厚則水有所束尚慮泛溢民田乎或曰加築隄岸東平州可以不淹矣獨是使水俱由鹽河下海僅留二十丈口門達南旺濟運東昌一帶運河不虞水小平予曰不然有張秋森林河沙河在昔宋尚書既分水南旺又慮北河水小於張秋西南開沙河一道上達汴梁於金龍口建埧分黃河之水達於張秋以濟北運宣德五年十月平江伯陳瑄言自臨清至安山漕河夏水淺舟礙張秋西南原有沙河通汴舊常遣官修治遇水小時於金龍口堰水入河下注臨清以便漕運近年缺官遂失水矣漕運實難乞仍其舊從之十年九月廷臣會議漕運事宜言沙

灣張秋運河舊引黃河支流歲久沙聚河水壅塞運河幾絕宜加疏鑿從之正統元年漕臣會議復旨金龍口水接張秋是引水通運之處宜令工部委官一員巡視提督遇有淤塞會同河南三司鳩工疏濬上允行凡此者是止知爲漕運之利而未嘗計及其害也豈知利方得而害已隨之乎自是之後黃河屢決而張秋之害乃不可勝言矣至十三年七月河決滎陽從開封北經曹濮張秋潰沙灣之東隄事聞命工部右侍郎王永和往理其事景泰四年正月河復決沙灣新決口之南工部侍郎趙榮請於新決之處用石置減水埧以殺水勢使東入鹽河然後高厚其隄岸填實其缺口從之五年十一月都御史徐有貞言沙灣治河三策一置造水門一開分水河一挑深運河先後臨治凡四載工始成宏治二年河決金龍口漫祥符下曹濮衝張秋運河命戶部侍郎白昂塞之五年七月河復決金龍口潰黃陵岡東北入漕河遣工部左侍郎陳政兼僉都御史往治之未幾政卒升浙江右布政劉大夏爲右副都御史往治決河七年二月河復決張秋從沙灣之下十里潰東隄入海運河水涸盡入決口漕舟不通四月復遣太

江北運程

卷八

七

監李興平江伯陳銳協同大夏督治十月山東按察使司副使楊茂元以張秋之役官多而在不專乞取李興陳銳回京專任劉大夏以責其成功八年二月寒張秋決河功成國朝順治七年九月黃河決荆隆口卽金龍口趨張秋城南馬星海甜瓜口沙灣戴家廟迤西隄岸並決水由大清河入海張秋工部分司閻廷謨率捕河通判方聖時督官夫修治九年七月黃水又大溢力不能施工役暫停廷謨亦得代去著決口行漕圖說以貽後官至十三年荆隆決口塞成張秋決口並塞是數十年來止以塞金龍口爲事專避黃河之害而開封至張秋一帶之河遂廢而不修日漸淤塞運河隄失其利而曹州鄆城鉅野嘉祥濮州范縣之水不能入運遂汎濫而不可治汎濫於南則自曹州鄆城定陶曹縣鉅野嘉祥以至濟甯魚臺滕縣嶧縣及江南之沛縣徐州邳州均受其害汎濫於北則自濮州范縣朝城莘縣陽穀壽張以及聊城東阿博平清平堂邑臨清夏津恩縣及直隸之清豐南樂清河故城俱被其災是山東之水災不除而並及於直隸二者皆由於張秋之沙河棗林河不行開濬故也旨哉黃承元之言曰其譬之

江北運程

卷八

姜

身乎曹濮諸州邑其腹也張秋其尾閭也尾閭下壅而欲腹無中滿得乎先是司河者重爲運道慮不敢量爲疏通諸州邑之患遂計無復之矣愚謂前此之決河爲患耳自黃陵岡一築則河害永絕運河之東又設有減水諸牐堪可恃節宣即使鄆濮諸水溢而東出由鹽河入海豈遂有妨於運奈之何懲噎而廢食也余承乏安平值大澇後鎮西諸水不得外瀉率鍾爲汙澤余爲盡啟沙灣諸牐聽其常流諸邑沮如得見土可藝卽清河亦稍資其灌輸此已事之一驗矣黃承元之言如此總之前此諸公日以開金龍口爲議者欲堰黃水入漕濟運是計及運河之利而未嘗計及於黃河之水之爲害也後此諸公日以堵築金龍口爲事者又止知避黃水之害而未嘗計及運河之利也或曰金龍口旣經堵築矣黃河之水已絕卽開沙河棗林河安所得水濟運乎予曰不然曹濮之間未嘗無水也張秋西南諸邑水利其源自黑羊山澶淵等坡而入濮者爲魏河源自澶滑青龍等坡而入濮之董家橋者爲洪河源自曹州而入濮者爲小流河三河合流於濮之東南出楊二莊橋入范縣竹口又東逕張秋城南過道人橋入運又

有源自曹濮范縣回龍廟而來者爲清河亦名水保河有源自定陶逕曹州新集而來者爲天鵝坡之水有源自鄆城出五岔口而來者爲廩邱坡之水俱入西裏河逕黑虎廟楊家橋至沙灣小牐入運方張秋之未決也津流逕通直抵運道及張秋屢決高築陽堰阨其下流而故渠亦往往湮廢故曹鄆濮范遂苦水患而鄰邑之受害者亦無窮今惟將此二河開通不惟諸州邑之水患永除而國家漕運亦賴以永濟焉或曰開此二河固可除諸邑之患濟漕運之淺但一遇雨潦之年運河水大再加以諸州邑之水匯聚於沙灣隄岸可保無虞乎予曰有五空橋減水坻在但今坻底太高不能洩水宜去面石二三層使遇水大由此洩入鹽河下海再將大感應廟東建減水坻十丈寬以洩運河有餘之水則隄岸可保無虞再將沙河之上源分一支由陽穀之官寨口入運再分一支由聊城之龍灣入運且將聊城之減水牐四座俱行開通以洩運河有餘之水使入徒駭河由漯河入海徒駭河據聊城縣申稱卽七里河之別名七里河卽古之漯河也禹疏九河淪濟漯而注之海卽此也由聊城而北博平縣境又有減水牐五

座亦所以洩運河有餘之水也將此牐亦行疏邇則水之入海者益順運河兩岸自無汎溢之虞是山東全河之利也最可異者聊城之徒駭河濮州范縣之魏河洪河小流礙運道無容開濬夫張秋東昌一帶運河每苦水小則開魏河洪河小流河由沙河入運以濟漕河之淺利運道乎礙運道乎若遇河水汎漲則開聊城之減水牐由徒駭河洩之入海而隄岸可保民田不淹利運道乎礙運道乎至開忙生牐牛頭河有礙運道者也乃以為當開夫忙生牐永通牐為牛頭河之上源而運河底高牛頭河窪下忙生牐見者况此二牐久廢司牐需官啟閉需夫又何必多此無益之費也蓋欲開牛頭河者必先淹淤上後淹鉅野嘉祥濟甯魚臺以及江南之諸州縣此治其末而均受其害者也水以海為歸治戴村埧開坎河口使水由鹽河下海者淤上不受水害而鉅野嘉祥濟甯魚臺及江南之諸州縣俱不受害此治其本而均享其利者也救民者何不使均享其利願使均受其害乎且均受其害又何益於淤上乎

江北運程

卷八

七

此愚一得之見也又葉方恆山東全河備考載運道興廢畧洎陸燿著山東運河備覽錄其文於沿革表後竊惟張作籌因時補救之方葉作欵歷代經營之蹟均留心運道者所宜詳繹也爰並識之言京師之在燕自元始故漕運之自南而北亦自元始元初糧道自浙西涉江入淮由黃河逆水至中灤旱站陸運至淇門入御河以達京至元二十年李奧魯赤自任城開穿河渠分汶之西北流至須城入清濟故瀆通江淮漕經東阿至利津河入海由海道至直沽後因海口沙壅從東阿舍舟陸運抵臨清下漳御至京陸運道經在平地勢卑下夏秋霖潦艱阻萬狀公私病之至元二十六年用壽張尹韓仲暉言自安山湖西開河由壽張西北過東昌至臨清達御河長二百五十餘里決汶流以趨之舟楫連檣而下建堰牐以節蓄洩完隄防以備盪激賜名會通然當時河道初開岸狹水淺不能負重每歲不過數十萬石故終元之世海運未罷明初黃河變易濟甯之南陽西暨周村泥淤室壅乃於濟甯西二十里開耐牢坡口引曹鄆黃河水由牛頭河通十八里至魚臺之塌場口出穀亭以為運道上有忙生牐通南旺中有永

通牖通濟甯下經塌場口通穀亭謂之舊黃河永樂初糧道由江入淮由淮入黃河運至陽武發山東河南二夫由陸運至衛輝下御河達京師九年以濟甯州同潘叔正言命尙書宋禮役丁夫一十六萬濬會通河用老人白英計築戴村埧遏汶全流南出汶上之西入於南旺南北分流又開新河自汶上袁家口左徙二十里至壽張之沙灣接舊河又命侍郎金純自沛城金龍口下達魚臺塌場口築隄導河經二洪南入淮漕事定爲罷海運成化間於永通牖南二里建牖曰明鏡一名永通下牖又於南陽牖東一里地名鈞鈞嘴建牖曰廣運宏治間復於魚臺之吉家淺建牖曰廣運上牖水大則開永通牖水小則由濟甯天井牖總從南陽達穀亭自穀亭南經八里灣牖孟陽泊牖在昭陽湖西岸過沛城達飛雲橋後又從沙河橫截昭陽湖西南經沛縣東抵赤龍潭轉入秦溝出茶城以通大浮橋總謂之舊運道正德間河決曹單直衝沛邑趨飛雲橋入運少司空崔巖役丁夫四萬二千有奇弗能塞俟其自定而後築隄捍之嘉靖初沛縣曹單城武塌場口黃河屢決自濟甯至徐沛運道悉淤中丞劉天和築曹單長隄運道

江北運程

卷八

五

始通繼決野雞岡二洪俱涸少司馬王以旂濬李景口引水由蕭縣出小浮橋濟洪後曹縣復決衝穀亭迨房村之決漕舟阻閣於邳以下者至二千餘中丞曾鈞疏濬下流役夫數萬未幾而新集至小浮橋悉淤全河之水俱徙於北從沙河至徐呂二洪無復漕渠之跡於是開南陽新河之議起矣方當河決沛縣之時南司空胡世凝上言運道之塞河流致之也使運道不假於河則亦易防其塞矣莫若於昭陽湖東岸滕沛魚臺鄒縣界擇土堅無石之地另開一河南接留城北接沙河口就取其土厚築西岸爲湖之東隄以防河流之漫入山水之漫出而隔出昭陽湖在外以爲河流漫散之區下其議總河盛應期以爲可行役丁夫九萬八千開渠自南陽經三河口過夏村抵留城百四十里閱四月怨讟上聞礙職停工自是四十年無敢言改河者至嘉靖四十五年運道大壞工部尙書朱衡謂黃水未消工難措手惟此地形高土堅黃水不侵河路逕捷輓輸更便疏請開挑以備運道兼採中丞潘季馴議請濬留城口至白洋淺舊河屬之新河言官有狃於沽頭舊運而乘雨久水溢以阻其成者會給事何起鳴以勘議上言

江北運程

卷八

五

舊河難復新河宜開得報可時南陽口至仲家口已通舟行惟夏村迤北十七里未與水接乃加力開濬創利建珠梅夏鎮西柳莊四牐砌馬家橋埽口石隄過河之出飛雲橋者入秦溝復留城至赤龍潭舊河五十餘里以接泉水六月工甫績適暴雨黃嶺新隄幾盡百中橋至白洋淺一帶亦淤言官復劾衛謨河工而衛報糧艘已過薛河抵南陽出口北上得不問迨九月馬家橋石隄成水南趨秦溝飛雲橋之流始斷而言者終以復舊爲便衛言黃水自西來而舊河在昭陽湖西橫截舊河以達湖水去沙停河所以數年必一淤若新河則在湖之東相距漸遠黃水淤塞舊河而不及新河有之矣未有至新河而不淤舊河者也隆慶元年山水驟漲衝塌薛河口壘壞糧艘數多議復譚然給諫吳時來言舊河已不必議惟新河所受上源山水亟宜疏濬詔仍下衛區畫於是經理沙薛上流既開東邵支河以殺其勢卽於東邵築土垠薛河口築石垠以障其流又挑王家口支河以洩薛河之水卽於王家口豸裏溝各築土垠以攔薛水之溢挑皇甫以洩沙河之水卽於皇甫翟家口宋家口各築土垠以捍沙河之趨而昭陽湖之積水復大挑回回墓河以瀉之自此運道皆由新河改夏村爲夏鎮然有夏鎮河有留城河有李家口河有鎮口河總名之曰新河夏鎮河爲尙書朱衛所開乃循中丞盛應期未竟之緒其河起南陽七十八里至王家口由宋家集折而東又南經夏村五十七里至留城是也留城河又尙書朱衛採中丞潘季馴議疏濬舊河屬之新河者其河北至滿家橋四十里南經境山由茶城口四十五里出濁河是也自李家口開此河卽廢李家口河則中丞潘季馴所開以避留城一帶之湖水者其河自呂公堂池西轉東南經龍堂至內華牐以接鎮河口共一里鎮河口則中丞凌雲翼所徙一十八里內建三牐隨舟出入爲啟閉者牐成不勝黃水之灌注閉日常多諸湖汎濫新舊兩渠仍通爲一二十年間屢變屢遷總以地逼於黃故河患不息於是開沔河之議起矣沔以嶧東西兩沔水得名西沔自抱犢山東南流與東沔合又南合武河入泗謂之沔口淮泗通焉嶧之南有中心溝復受眾水下流東會承水入沔隆慶間徐邳淤都御史翁大立疏請開河自馬家橋經利國監入沔口出邳州以避秦溝徐呂之險科臣駱遵言河

出馬家橋葛虛嶺高出河底五丈餘侯家灣梁城多伏石周柳諸湖達直河口須築隄水中功費無算議遂寢萬厯癸巳兩潦大作河決汶上灌徐沛潰漕隄幾二百里總河舒應龍求通洩之途於微湖東得韓家莊其地在性義嶺南不經葛虛嶺而可引湖水由彭湖注之漚乃疏請開支渠四十餘里閱五月功成猶未能通漕也自黃埧口決鎮口淤數年間專用力於分黃導淮及接引黃流出小浮橋濟運而開挑未久淤塞隨之已亥都御史劉東星與夏鎮分司梅守相議舉韓莊未竟工淺者深之狹者廣之併鑿侯家灣梁城通漚口使可行舟以水溢暫撤辛丑上疏請竟前功得報可遂不問淺狹難易一切修濬建鉅梁橋石牖一德勝萬年萬家莊各草牖一是年漕艘由漚行者十之三矣癸卯霖雨水漲河決黃莊入昭陽湖穿李家口逆行從鎮口出中丞李化龍定計開漚乃議棄王市以下三十里之漚河徑從王市直達紀家集南取當河深處以避壑鄰山及周柳諸湖百里之險通計挑河建牖塢工費二十萬八千一百有奇乃上疏言今之稱治河難者謂河由宿遷入運則徐邳涇而無以載舟是以無水難也河由豐

沛入運則漕隄壞而無以維縲是以有水難也漚河開而運不借河有水無水第任之耳疏論決排皆無庸矣又以二百六十里之漚河避三百三十里之黃河二洪自險鎮口自淤不相關也糧艘過洪每為河漲所阻運入漚而安流無患且運借河則河為政河得以困我運不借河則我為政我得以熟察機宜而治之廷議躉之遂改挑直河之支渠修砌王市之石埧平治大泛口之湍溜撈浚彭家口之淺沙建牖設塢次第畢舉而運道實賴之矣自李家港口東至黃林莊一百六十里為東省境又南接邳界河道百里共開漚二百六十里徑從駱馬湖由董陳二口入黃河經宿遷一百八十里抵淮安清江浦牖我朝因之四十年來歲輓無誤皆此一綫漕河力也竊嘗於尚書朱公衡之治新河中丞李公化龍之成漚河而知昔人避黃以護漕用意至深遠也蓋自承樂中重濬會通河以接江淮漕運與黃實相為終始而黃性遷徙不常難必其安瀾無患每遇溢決必至礙漕故欲治漕必先治黃害莫甚於嘉靖之間是以不得已有新河之役新河開而穀亭之險避矣但留城以至鎮口猶地逼於黃一經雨潦遂壞漕隄隆

